

Ziepc Nyungc Jienv Jiex Nyei Ginv Yiem Maengc...



Haih Yienc Meih Nyei Maengc Yietc Liuz...

**Zoc Nyei Mienh:
Zeuz, Yauzsing
2012**

Ziepc Nyungc Jienv Jiex Nyei Ginv Yiem Maengc Nyei Porv Mengh Waac

“...Yie bun meih mbuo maaih qangx ginv oix ziangh fai daic, oix duqv fuqv fai zuqc zioux. Ih zanc oix zuqc ginv meih mbuo oix duqv ziangh jienv weic bun meih mbuo nyei zeiv-fun haih duqv ziangh jienv” [Nzame Leiz Latc 30:29].

Gorngv Jiex Gorn Nyei waac:

Mbuo laanh laanh mienh haih ginv. Mbuo ginv nyei haih duqv fuqv fai zuqc zioux. Mbuo ginv nyei fai maiv ginv nyei se jienv haic. Ginv nyei jauv, fai ginv nyei leiz, janx nyei waac gorngv “*principle of the path*”. Naaiv nyungc ginv nyei leiz fai jauv maaih ziangh hoc doix-dekc dongh mbuo oix mingh taux nyei dorngx yiem maengc, caux mbuo maengc taux nyei. Mbuo hnavg haaix nor ginv mingh taux setv mueiz dongh mbuo duqv nyei yiem maengc? Maiv gaengh sienx Tin-Hungh mienh gorngv "maengc longx" fai "maengc maiv benx" - maaih eix-leiz gorngv maiv zeiz ninh mbuo ganh ginv, ninh mbuo ganh maiv maaih buonc ndaam-dorng dongh ninh mbuo duqv nyei. Mv baac sienx Yesu Giduc nyei mienh maiv buac taux maengc se “la’guaih duqv sueih maengc ganh buangh hnavg” nyei sienx. Mbuo ganh zuqc ndaamh dorng mbuo ginv nyei, yaac buac cing Tin-Hungh bun nyei maengc za'gengh longx nyei, ginv ei Ziouv nyei maengc za'gengh longx jiex.

Mbuo piatv camv nyei taux maaih hnyouv oix nyei jauv. "Maaih hnyouv" hnavg se maiv gaux. Mbuo oix zuqc bieqc hnyouv gorngv maiv gunv maaih hnyouv oix nyei, mv baac mbuo nyei maengc duqv yiem fai zuqc yiem nyei dorngx se maiv fih hnavg (zinh nyaanh nyei jauv, dorng jaa nyei jauv, gong nyei jauv, fai mbuo faix nyei ziangh hoc hnamv oix nyei jauv). Mbuo hnavg haaix nor haih yiem mbuo yiem nyei mingh duqv dongh mbuo oix nyei? Weic naaiv mbuo ginv nyei leiz se jienv bun mbuo nyei maengc. Ginv nyei leiz se, **ginv yangh nyei jauv bun mbuo taux dorngx**. Maiv zeiz hnamv taux nyei jauv.

Maaih mienh camv yiem maengc gorngv, “Yie zoux haaix nyungc buangh zuqc fai yiem dongh yie yiem nyei dorngx?” Mv baac mbuo zimh nzuonx maengc nor, mbuo buac maaih norm ziangh hoc mbuo ginv yangh fai mingh dongh mbuo ginv nyei ziouc bun mbuo duqv yiem mbuo ih zanc yiem nyei dorngx fai duqv buangh ih zanc buangh nyei sic.

Ginv daaih siang deic bung Meiv Guoqv, fai nzuonx loz deic bung yiem Lauv Guoqv...Maiv gunv zinh nyaanh fai jaa, gong, fai dorngx...mienh camv naaic ganh “Yie fungc haih yiem naaiv?” "Zoux haaix nyungc yie yiem naaiv? Nyungc zeiv se, zoux zuiz yiem loh nyei mienh maaih haaix laanh mienh gorngv "yie oix bieqc loh?"..."Hlo daaih nor yie bieqc loh?"...Mv baac maaih norm ziangh hoc yiem ninh mbuo nyei maengc ninh mbuo ginv yangh nyei jauv (zoux nyei sic, caux nyei mienh) ziouc bun ninh mbuo duqv yiem ninh mbuo yiem nyei dorngx. Tin-Hungh zeix baamh mienh bun ninh mbuo haih ginv...naaiv se yiete nyungc fangx zeiv dongh Tin-Hungh bun Ninh zeix nyei mienh.

Mienh duqv yiem ninh mbuo yiem nyei weic zuqc ninh mbuo ginv nyei jauv (ei ginv nyei leiz). Mbuo maaih camv oix mingh naaiv oix zoux naaiv...mv baac piatv mingh maiv taux hnyouv oix nyei weic zuqc mbuo maaih hnyouv se maiv gaux, oix hnavg se maiv

gaux, feix duqv se maiv gaux. Oix zuqc ginv yangh. Yangh nyei jauv dorh mbuo taux dorngx...yangh nyei jauv dorh mbuo mingh taux dongh mbuo oix mingh nyei. Yangh naaiv diuh jauv se maiv zeix hungheic, zuqc siev camv, zuqc kouv camv mv baac taux dorngx ziouc duqv njien-youh.

Ih hnoi mbuo ginv yangh, zoux nyei, biux mengh taux njang hnoi mbuo yiem nyei dorngx. Se gorngv mienh camv hungx jienv mingh dorngc dorngx, zoux dorngc sic mbuo yaac gan jienv yangh...[mbuo mange Meiv guoqv deic bung: zinh nyaanh nyei jauv, maengc jienv nyei jauv, hmuangv doic nyei jauv, gong nyei jauv].. nyungc-nyungc zoux nyei dorngc mbuo caux jienv zoux ziouc dorngc fih hhangv. Ziouv hoic ganh camv!

Yiem mbuo nyei maengc maaih norm ziangh hoc mbuo oix zuqc dingh maiv guaix mienh, yaac ndaamh dorng dongh mbuo duqv ginv zoux nyei yiem mbuo nyei maengc. Maaih camv nyei yiem mbuo nyei maengc lunx nyei ziangh hoc mbuo hnamv taux, mbuo oix nyei, mauv nyei ih zanc buate maiv hhangv mbuo oix nyei. Mbuo hnamv nzuonx zix nzunc, feix duqv naaiv feix duqv wuov. Maaih camv nyei mbuo laic duqv mbuo ginv duqv zuqc nyei... mbuo yaac sienx gorngv mbuo ginv nyei yienc mbuo nyei maengc...yienc mbuo yangh nyei jauv, yienc mbuo yiem nyei dorngx, yienc mbuo taux nyei dorngx. Mbuo oix juangc jienv hoqc taux *ziepc nyungc jienv jiex nyei ginv* dongh haih yienc mbuo nyei maengc, se gorngv mbuo ginv zuqc mbuo nyei maengc yietc liuz maiv hhangv loz nor.

Ziepc Nyungc Jienv Jiex Nyei Ginv Yiem Maengc...

1. Da'yietv Nyungc Ginv: *Ginv Tin-Hungh Nyei Hnamv*
2. Da'nyeic Nyungc Ginv: *Ginv Zipv Tin-Hungh Guangc Zuiz*
3. Da'faam Nyungc Ginv: *Ginv Bun Yesu Zoux Ziouv*
4. Da'feix Nyungc Ginv: *Ginv ei Ziouv Nyei Waac, Ging-sou*
5. Da'hmz Nyungc Ginv: *Ginv Guangc Mienh Nyei Zuiz*
6. Da'luoqc Nyungc Ginv: *Ginv Bungx Hnyouv Ziouv*
7. Da'cietv Nyungc Ginv: *Ginv Hnamv Ganh Nyei Hmuangv Doic*
8. Da'bietv Nyungc Ginv: *Ginv Benx Zingx Nyei Mienh*
9. Da'juov Nyungc Ginv: *Ginv Fu-sux Ziouv Caux Mienh*
10. Da'ziepc Nyungc Ginv: *Ginv Dorng Zuangx Nyiemc Yesu*

For additional resources/Maaiah sou camv nyei yiem:

www.yauzsing.wordpress.com

1. Da'yietv Nyungc Ginv: Ginv Tin-Hungh Nyei Hnamv

Ging-sou yiem: Yo^han 3:16 "Tin-Hungh ndongc naaic hnamv lungh ndiev mienh cingx zorqv ninh nyei ndoqc Dorn ceix bun ninh mbuo. Haaix dauh sienx kaux Tin-Hungh nyei Dorn maiv zuqc mietc mv baac duqv yietc liuz nyei maengc."

Gorngv jiex gorn nyei waac:

Mbuo haih ginv ziex nyungc...ginv mingh, ginv daaih, ginv zoux, ginv maiv zoux, ginv daaih naaiv hoqc Ziouv nyei waac, ginv maiv daaih, ginv hnamv, ginv maiv hnamv. Yietc hnoi mbuo ginv ziex baeqv nyungc. Se gorngv meih hnamv longx nor meih za'gengh duqv ginv camv nyungc gor. Haih ginv se benx yietc nyungc Tin-Hungh nyei fangx zeiv dongh Ninh zeix mbuo daaih bun mbuo maaih, caux haih nyei. Maaih nzunc baav meih maiv ginv *se benx ginv nyei*. Weic mbuo ginv nyei ~ ih hnoi mbuo duqv dongh mbuo ginv nyei, fai zuqc hoic nyei weic mbuo ginv nyei.

Maiv gunv jiex daaih meih hnavg haaix nor ginv, ih hnoi, ih zanc meih haih jiex gorn..yiem naaiv mingh wuov douc...nyungc-nyungc duqv nyei fuqv fai zuqc zioux, duqv a'hneiv fai zuqc hoic se yiem mbuo ginv nyei.

Maaih mienh oix gorngv, "Mv baac yie maiv ginv maaih baengc niaa..." "Yie maiv ginv ndortv gong niaa..." "Yie maiv oix maaih fu'jueiv maiv muangx waac niaa..." "Yie maiv ginv naaiv ginv wuov niaa...". Maiv gunv mbuo maiv oix ndamh dorn fai, mbuo maaih buonc ndamh dorn nyei. Maiv gunv gorngv dongh meih buangh zuqc nyei se maiv zeiz meih ginv nyei, maaih mienh buangh zuqc dongh meih buangh zuqc nyei mv baac ninh mbuo corc gauh haih dau duqv horpc deix yaac maaih nyei. **Yiem maengc se maiv zeiz mbuo buangh zuqc nyei, mv baac mbuo hnavg haaix nor dau dongh mbuo buangh zuqc nyei zoux bun mbuo nyei maengc ganh nyungc caux buangh zuqc fih hnavg nyei mienh.**

Maiv dungx sienx mienh gorngv "maengc maiv benx" fai "maengc longx" weic laaic duqv maengc se ca'bouc...camv nyei weic mbuo ginv nyei. Mbuo ginv fai maiv ginv nyei se jienv, haih yienc mbuo nyei maengc. Nyungc baav ginv za'gengh jienv, weic benx gorn-ndoqv yiem maengc (mbuo caux Tin-Hungh nyei jiu tong), nyungc baav ginv weic benx jiu tong nyei ginv (mbuo caux baamh mienh) dongh mbuo hnoi hnoi buangh zuqc nyei jauv...

Gorngv mengh Ging-sou nyei eix-leiz:

A. Ginv Zangc Ziouv

1. Mbuo haih ginv sienx gorngv Tin-Hungh zeix mbuo daaih, ninh hiuv duqv mbuo, yaac hnamv mbuo, bun Ninh nyei Dorn Yesu daaih zuoqc mbuo.
2. Jienv jiex nyei ginv yiem naaiv norm seix zangc, se ginv Tin-Hungh, ginv sienx, ginv zipv, ginv caux Ninh jiu tong.
3. Weic zuiz, mouz laanh mienh leih Zangc Diex go, zoux dorngc Ninh, mv baac Ninh fungx Ninh nyei Dorn Yesu daaih lorz mbuo. Bun mbuo maaih qiangx caux ninh haih horpc hnyouv.

4. Hnangv haaix nor hiuv duqv maaih Tin-Hungh? Yie liemh mangc maiv buatc niaa? Hnangv haaix nor haih ginv Ninh? Ginv sienx Ninh? Yiem Ye^{le}mi 29:13 gorngv, “*Meih mbuo lorz yie, oix zuqc longc nzengc hnyouv lorz ziouc lorz duqv buatc.*” Mienh maaih sienx fim yiem Tin-Hungh za’gengh haih hiuv cing gorngv za’gengh maaih Tin-Hungh nyei. Yiem Singx nzung sou 19:1-4 “*Lungh zunh yaangh Tin-Hungh nyei njang-laangc, lungh zaangc biux mengh ninh nyei buoz-dauh. 2 Yietc hnoi zunh mbuox jiex yietc hnoi, yietc muonz zunh wuonh zaang jiex yietc muonz. Mouc nyinh mouc waac, mouc sing-qiex maiv haiz, 4 mv baac ninh nyei nyinh nyouz mingh jomc lungh ndiev. Tin-Hungh yiem wuov lungh weic mba'hnoi corng ndopv-liuh.*”
5. Tin-Hungh nyei waac caux Ninh zeix daaih nyei lungh ndiev gorngv mengh taux Ninh. Zien nyei, Tin-Hungh zeix mbuo, ninh yaac bun mbuo haih ginv ninh. Zien nyei, zinh ndangc deix baav meih maiv ginv meih nyei auv fai meih nyei nqox...ih gitv lungh ndiev dorng jaa nyei mienh horpc zuqc laanh ginv laanh.
6. Tin-Hungh ginv meih. Ninh zeix meih daaih mv baac se gorngv meih maiv ginv Tin-Hungh, meih nyei maengc yietc liuz kungx, yietc liuz maiv maaih baengh orn, maiv maaih orn-lorqc, maiv maaih zien hnamv.
7. Tin-Hungh zeix daauh doix mienh Aa^{ndaam} caux Haa^{waa} daaih bun ninh mbuo haih ginv. Ginv muangx Ziouv fai ginv maiv muangx...Yo^{su}waa heuc I^{saa}laa^{en} mienh ginv fu-sux Tin-Hungh (Yo^{su}waa 24:15 “*Se gorngv meih mbuo maiv buangv hnyouv fu-sux Ziouv, ih hnoi meih mbuo oix zuqc ginv meih mbuo oix fu-sux haaix dauh. Oix fu-sux meih mbuo nyei ong-taaix-ngaeqv yiem Yu^{fe}ditc Ndaaih dong bung maengx wuov deix zienh fai Aa^{mo}lai Mienh nyei zienh, dongh meih mbuo ih zanc yiem jienv naaiv norm deic-bung nyei zienh fai? Mv baac yie ganh caux yie nyei biauv zong mienh aeqv, yie mbuo oix fu-sux Ziouv...*”).
- ***Sienx Tin-Hungh, fai sienx fim, se oix zuqc ginv. Maaih zorngh zengx camv gorngv taux ginv Tin-Hungh se jienv jiex nyei ginv.***
8. Zorngh zengx gorngv maaih Tin-Hungh nyei: (a) *Nyungc-nyungc maaih gorn nyei...* nyungc zeiv - se gorngv yie mbaix meih nyei hmien...gorn se dongh yie mbaix... liuz, ziouc buatc siqv, meih yaac haiz mun. Se gorngv mbuo mangc jiex daaih nyei ga’naaiv mbuo hiuv duqv maaih Ziouv. (b) *Nyungc-nyungc maaih yietv maaih nyeic - lungh ndiev, lungh guinh, mba’hnoi yiem nyei dorngx...zeix daaih nyei ga’naaiv gorngv mengh zeix wuov dauh Ziouv. Kungx mienh hngongx mienh gorngv "maiv maaih Tin-Hungh" hnangv (Singx Nzung 14:1). (3) Lungh ndiev mienh camv gor, mv baac maiv maaih yietc laanh fih hnangv - Tin-Hungh bun baamh mienh "hiuv duqv" mbuo cingx haih hiuv duqv dorngc. Maiv zuqc njaaux fu’jueiv gorngv baeqc... fai zoux zaqc se dorngc... Mbuo buatc duqv cing nyei ~ zuiz nyei fiem-fingx yiem baamh mienh.*

B. Ginv Zangc Zien Wuov Dauh Ziouv

1. Mienh naaic meih sienx Tin-Hungh nyei fai? Oix zuqc gorngv mengh mbuo nyei Tin-Hungh. E^{fe}so 4:6 "*Yaac maaih nduqc dauh Tin-Hungh, dongh maanc mienh nyei Zaangc Diex. Ninh zoux maanc mienh nyei Ziouv, longc maanc mienh zoux ei ninh nyei za'eix, yaac yiem maanc mienh gu'nyuoz.*" Maaih mienh camv nyei gorngv sienx Tin-Hungh fai sienx Yesu mv baac ninh mbuo maiv zeiz sienx dongh zeix lunggh zeix nyungc-nyungc wuov dauh Tin-Hungh, dongh Ging-sou gorngv mengh nyei wuov dauh Tin-Hungh.
2. Maaih mienh zangc ziex nyungc ziouv (zienth)...Haaix nyungc gunv ninh mbuo nyei maengc, ninh mbuo nyei ziangh hoc, se benx ninh mbuo nyei ziouv.
3. Maaih mienh laaic duqv Tin-Hungh se yiem jienv Tin-dornggh lorz qiangx dingc baamh mienh nyei zuiz, mangc maiv duqv mbuo zoux haaix nyungc dorngc ziouc dingc zuiz...Zien nor Ging-sou gorngv taux Tin-Hungh benx hnamv mienh wuov dauh. Maaih mienh maiv hiuv dingc Tin-Hungh se hhangv haaix nor, maaih mienh laaic duqv Tin-Hungh se benx ninh mbuo zunc nzuih mienh, benx ninh mbuo tov ga'naaiv nyei mienh, "tengx naaiv tengx wuov, bun naaiv bun wuov yie" nyei Tin-Hungh. Se gorngv qiemx nor lorz maiv qiemx nor maiv gunv.
4. Zien wuov dauh Ziouv, fai Tin-Hungh, se dongh zeix nyungc-nyungc, zeix daauh doix mienh, dongh dingc mienh zoux dorngc nyei zuiz, ceix fuqv zoux horpc nyei mienh. Tin-Hungh bun mbuo haih ginv. Naaiv dauh Tin-Hungh se benx hnamv mienh nyei gor. Ninh se *hnamv* (1 Yo^{han} 4:8).

C. Ginv Zipv Ziouv nyei hnamv

1. Maaih mienh haih gorngv, se gorngv Tin-Hungh hnamv mienh zoux haaix nyungc...bun naaiv bun wuov cuotv daaih? Mouz laanh mienh maaih nyungc yiem maengc dongh mun taux hnyouv, lorz maiv duqv jauv cuotv oix ziouc guaix Tin-Hungh.
2. Maaih mun yiem maengc maiv horpc zuqc leih go hnamv nyei gorn; daux nzuonx, oix zuqc mingh nitv fatv hnamv nyei gorn ~ Tin-Hungh.
3. Tin-Hungh hnamv mbuo; ninh nyei hnamv se *goux* nyei hnamv. Maiv gunv goux longx nyei mv baac maaih ziangh hoc mbuo buangh zuqc mun weic bun Ninh nyei mbuox haih duqv njang-laangc. Weic haaix nyungc maaih mun?
4. Tin-Hungh bun mbuo haih maaih mun yiem maengc weic bun mbuo haih zieqv duqv Ninh, bangc Ninh. Tin-Hungh bun mbuo maaih mun weic bun Ninh haih zorc mbuo. Lengc jeiv leih go Ziouv nyei mienh, zuqc buangh zuqc mun weic bun qiangx ninh mbuo haih goiv hnyouv nzuonx daaih lorz Ziouv. Tin-Hungh bun mbuo buangh zuqc mun weic sinx mbuo.

Ginv ei Ging-sou:

- a. Oix zuqc zieqv duqv gorngv mbuo haih ginv: Yie ginv Tin-Hungh nyei hnamv, meih niv? Tin-Hungh nyei hnamv ndongc naaiv longx, ndongc naaiv hlo, meih funcg haih ngaengc? **Ginv zipv Tin-Hungh nyei hnamv se ginv yienc meih nyei maengc.**
- b. Hnamv taux mbuo zuqc ginv nyei: Tin-Hungh hnamv lungx ndiev mienh cingx bun Yesu daaih njoux mbuo. "*Haaix dauh sienx kaux Ninh...*" biux mengh mbuo haih ginv...ginv sienx, ginv zipv Yesu, ginv sienx gorngv Tin-Hungh hnamv mbuo. Mv baac se gorngv mbuo ginv zipv mbuo nyei zuiz mbuo ziouc leih Tin-Hungh go...
- c. **Ginv zipv Tin-Hungh nyei hnamv (= SIENX)**
- d. Yiem ih gitv lungx ndiev nyei ziangh hoc corc maaih "dorn faix dingx laaih mingh" nyei.

2. Da'nyeic Nyungc Ginv: Ginv Zipv Tin-Hungh Guangc Zuiz

Ging-sou yiem: Mikaa 7:18 "*O Tin-Hungh aac, maiv maaih ganh dauh zienh hnangv meih. Meih guangc meih nzipc daaih zengc njiec nyei mienh nyei zuiz. Meih maiv yietc liuz qiex jiez. Weic zuqc meih a'hneiv ziepc zuoqv nyei hnamv mienh*". (Aengx doqc Singx Nzung 103:12; Matv[^]tai 9:18)

Gorngv jiex gorn nyei waac:

Kungx ginv zipv Tin-Hungh guangc mbuo nyei zuiz, haih bungx nqoi mbuo, bungx nqoi mbuo zoux jiex daaih nyei zuiz, bungx nqoi hnamv nzuonx nyei hnyouv, bungx nqoi dongh mbuo ginv dorngc jiex daaih nyei sic. Mbuo nyei maengc se hnangv mienh maaih hnyouv nyei baengc nor, maaih ga'naaiv zaeqv jienv bun nziaamv maiv haih mingh taux hnyouv (mbaqc nziu). Ndie-sai oix zuqc paaix nqoi bun nziaamv haih mingh duqv tong. Maaih mienh camv nyei maiv zipv Tin-Hungh guangc ninh mbuo nyei zuiz, maaih mienh zipv liuz mv baac corc maiv haih guangc ganh zoux jiex daaih nyei zuiz. Maaih mienh oix ginv Tin-Hungh nyei hnamv dongh benx da'yietv wuov nyungc ginv, mv baac yiem hnyouv hnamv daix Tin-Hungh maiv haih guangc yie zoux jiex daaih nyei zuiz saah? Ndangc mbuo ginv zipv Tin-Hungh guangc mbuo nyei zuiz, mbuo oix zuqc bieqc hnyouv gorngv zoux haaix nyungc mbuo qiex zuqc Ninh guangc mbuo nyei zuiz, zuiz se haaix nyungc. Weic mbuo oix zuqc zieqv duqv ganh se zoux zuiz-mienh cingx zieqv duqv ganh qiex zuqc Njoux Ziouv.

Gorngv mengh caux muonc Ging-sou:

A. Tin-Hungh maaih qaqv haih guangc zuiz

1. Yiem Matv[^]tai 9 zang, Yesu yiem mbong zunh baac doz, ninh biux mengh ninh se Tin-Hungh, Singx Dorn weic zuqc Ninh maaih hatc maaz guangc zuiz. "*Maaih deix mienh dorh dauh butv baengc-mbai mienh bueix jienv jiuc daaih lorz Yesu. Yesu buatc naaiv*

*deix mienh sienx ndongc naaiv longx, ninh ziouc mbuox baengc-mbai mienh, “Dorn aac, gunv bungx hnyouv maah! **Meih nyei zuiz duqv guangc liuz aqv**” (Matv[^]tai 9:2).*

2. Se gorngv mbuo hnamv mangc gaax butv baengc-mbai mienh nyei doic hnavg haaix nor hnamv. Ninh mbuo haiz gorngv Yesu haih zorc baengc nyei, dorh ninh mbuo nyei doic mingh taux Yesu. Yiem Maako 2:3-5 “*Maaih biei dauh mienh gaeng dauh butv baengc-mbai mienh daaih lorz Yesu. Mv baac mienh camv haic, maiv noic duqv baengc mienh taux Yesu nyei nza'hmien. Ninh mbuo ziouc caeqv tong biauuv-ngorh doix ziangx Yesu yiem wuov norm dorngx gu'nguaaic. Caeqv tong mingh, ninh mbuo ziouc zorqv baengc mienh bueix jienv jiuc bungx njiec. Yesu buatac naaiv deix mienh sienx duqv longx, ninh ziouc mbuox butv baengc-mbai mienh, 'Dorn aac, **Meih nyei zuiz duqv guangc liuz aqv**'”*. Ninh mbuo hnamv oix Yesu zorc, ninh mbuo sienx gorngv baengc se yiem sin, maiv zeiz lingh wuonh.
3. Njaaux leiz nyei fin-saeng haiz ziouc qiex jiez weic ninh mbuo hiuv duqv kungx Tin-Hungh hnavg haic guangc mienh nyei zuiz. Yesu gorngv cing nyei Ninh se Tin-Hungh. Yesu maiv daan oix zorc naaiv laanh mienh nyei sin hnavg, Ninh oix zorc wuov laanh mienh nyei lingh wuonh. Wuov laanh mienh haih yangh jauv yietc seix yiem naaiv seix zangc mv baac yietc liuz yiem deic nyuoqc se maiv tengx ninh. Weic naaiv Yesu zorc *jienv* jix wuov nyungc ndangc. Ninh zorc lingh wuonh, zorc zuiz nyei baengc ndangc cingx zorc sin zangc nyei baengc.
4. Yesu gorngv mbuox wuov laanh mienh, “*Meih nyei zuiz duqv guangc liuz aqv*”. Maaih eix leiz gorngv Yesu maaih hatc maaz guangc zuiz. Ninh gorngv nyei se ~ Ninh se Tin-Hungh, Singx Dorn.
5. Njaaux leiz nyei fin-saeng maiv haih zorc baengc yaac maiv haih guangc zuiz. Ninh mbuo hiuv duqv ninh mbuo maiv haih tengx naaiv laanh baengc-mbai mienh.
6. Yesu ganh mengh nyei gorngv ninh se Tin-Hungh (Yo[^]han 8:23-24, Yesu gorngv Ninh se yiem Tin-dorng h daaih; Yo[^]han 10:30, Yesu gorngv Ninh caux Zangc Diex se benx yietc dauh, yiem Zangc Diex daaih; Yo[^]han 14:9, Haaix dauh buatac Yesu buatac Zangc Diex). Yesu gorngv nyei caux zoux nyei biux mengh Ninh se Tin-Hungh.

B. Zuiz Hoic Nyei Sic

1. Yiem Tin-Hungh nyei m'zing, wuov laanh mienh maaih i nyungc baengc. Maiv gunv zorc sin fai lingh wuonh nyei baengc, naaiv deix i nyungc baengc juangc norm gorn. Zuiz se naaiv deix i nyungc baengc nyei gorn. Nyungc-nyungc sic, nyungc-nyungc baengc weic zuiz.
2. **Weic zuiz lung h ndiev maaih sic.** Tin-Hungh zeix nyungc-nyungc longx nyei mv baac weic daauh doix mienh zoux zuiz ziouc hoic zeix daaih nyei nyungc-nyungc ga'naaiv. Weic zuiz, zeix daaih nyei ga'naaiv zuqc diev (Lomaa 8:20 "*Zeix daaih nyei maanc muotc zuqc dingc benx maiv maaih eix leiz nyei ga'naaiv. Naaiv maiv zeiz ei maanc muotc ganh nyei za'eix, se ei Tin-Hungh nyei za'eix. Mv baac Tin-Hungh corc maaih lamh hnamv. maaih norm hnoi zeix daaih nyei maanc muotc oix biaux ndutv, maiv zuqc*

huv jienv njiec, yaac oix caux Tin-Hungh nyei naamh nyouz duqv bungx nqoi yaac duqv njang-laangc; Hipv^lu 1:10-12 "Lungh ndau ziouc goiv yienc hnangv yienc lui mv baac meih yietc liuz hnangv loz wuov nor".) Maaih hnoi Yesu aengx siang zeix jiex nzengc (Laauc Yaangh 21:1).

3. **Weic zuiz mbuo nyei sin maaih ziex nyungc baengc.** Mbuo nyei sin maaih nyei nyungc-nyungc baengc se weic zuiz. Yietc zungv baengc nyei gorn se yiem daauh doix mienh zoux nyei zuiz. Yiem naaic daaih mbuo maaih zuiz nyei fiem-fingx taux ih zanc. Yiem naaic daaih mbuo zuqc butv baengc, zuqc daic. Yietc zungv *maiv baengh fim nyei gorn* yiem zuiz wuov daaih. Mbuo buac cing nyei ~ maaih mienh longx mienh butv baengc, maaih waaic nyei mienh maiv zuqc butv.
4. **Weic zuiz mbuo nyei lingh wuonh maaih baengc.** Mbuo maiv daan maaih sin nyei baengc, mbuo nyei lingh wuonh yaac maaih baengc. E^fe so 2:1-3 "*Zinh ndaangc laaix meih mbuo maiv muangx Tin-Hungh nyei waac yaac baamz zuiz, meih mbuo se dorngx daic mi'aqv. 2 Wuov zanc meih mbuo kungx gan baamh gen orqv haic nyei za'eix hnangv. Meih mbuo muangx gunv ndaamv-lungh wuov dauh, dongh ih zanc yiem maiv muangx Tin-Hungh nyei waac wuov deix mienh nyei hnyouv zoux gong wuov dauh mienv. 3 Zinh ndaangc mbuo yietc zungv yiem wuov deix mienh mbu'ndongx kungx ei mbuo nyei hnyouv hanc zoux, sueih ganh nyei sin, ganh nyei hnyouv oix zoux nyei ziouc zoux aqv. Weic naaiv, ziux mbuo nyei fiem-fingx mbuo m'daaih hnangv wuov deix nor, zuqc Tin-Hungh nouz mbuo.*"
5. Mbuo nyei sin zuqc daic se weic zuiz. Mbuo nyei lingh wuonh zuqc daic fai leih Zangc Diex se weic zuiz. Mbuo maaih hnyouv hanc zoux zuiz se weic zuiz. **Mbuo se zuiz-mienh.**

C. Zuiz yiem laanh laanh mienh

1. **Lomaa 5:12,** "*Laaix nduqc laanh mienh baamz zuiz, zuiz bieqc baamh gen. Zuiz yaac zoux bun mienh zuqc daic. Weic naaiv zuqc daic nyei qaqv linh jienv mingh bun maanc mienh zuqc daic weic zuqc dauh dauh mienh baamz zuiz*". Mbuo cuotv seix daaih hnangv m'daaih benx zuiz-mienh, mbuo maaih zuiz nyei fiem-fingx, mbuo zoux nyei zuiz buac duqv cing nyei.
2. **Mbuo mangc Tin-Hungh nyei ziepc diuh lingc yiem Cuotv^i^yipv 20** mbuo buac cing nyei mbuo zoux dorngc Tin-Hungh. Mbuo maiv zangc Ziouv Tin-Hungh, mbuo mingh zangc zienh dorngc da'yietv wuov diuh lingc. Ninh oix mbuo bun Ninh zoux da'yietv yiem mbuo nyei maengc, mv baac mbuo zorqv ganh daaih zoux jienv yiem mbuo nyei maengc. Mbuo maiv oix muangx ninh, kungx oix ei ganh nyei hnyouv hanc zoux.
3. **Tongx nimc diex maac niv?** Maaih mienh haih gorngv meih maiv hiuv duqv yie nyei dae/maa lorqc. Maiv gunv meih nyei dae fai maa hnangv haaix nor, Tin-Hungh heuc meih tongx nimc ninh mbuo. Maaih eix-leiz gorngv bun ninh mbuo nyei waac maaih hniev-soux. Tin-Hungh maiv zeiz gorngv tongx nimc longx nyei diex maac,

fai tongx nimc *zic duqv nyei* dae/maa. Tongx nimc maaih eix-leiz gorngv mbuo gorngv longx taux mbuo nyei diex-maac. Maiv zeiz gorngv la'guaih dorh mingh ceng longc mengh dauh mv baac maiv danh diex-maac. Mbuo yaac horpc zuqc zoux, fai gorngv, bun ninh mbuo maaih jaax-zinh. Se gorngv mbuo maiv hngangv naaiv zoux se zuiz. Maiv oix bun haaix dauh bieqc hnyouv dorngc - *se gorngv zoux diex maac nyei mienh heuc meih zoux haaix nyungc dorngc Tin-Hungh*, meih maiv horpc zuqc muangx ninh mbuo, dauh nzuonx, meih oix zuqc muangx Tin-Hungh.

4. **Maiv dungx daix mienh, maiv dungx hienx auv hienx nqox, maiv dungx zoux zaqc, maiv dungx gorngv baengc, maiv dungx mueic jieqv caux mauv mienh nyei ga'naaiv...naaiv deix yietc zungv se zuiz. Zuiz nyei jaa-zinh za'gengh hniev haic.**

D. Zuiz nyei jaax-zinh

1. **Ging-sou gorngv: mouz laanh mienh maaih hnyouv hanc zoux zuiz** (Singx Nzung 51:5 "*Yie cuotv seix daaih benx zuiz-mienh, yiem maa nyei ga'sie wuov zanc zungv maaih jienv zuiz*".) Maiv maaih haaix nyungc yiem naaiv lungx ndiev haih beiv duqv ndongc baamh mienh hanc zoux zuiz. Baamh mienh zanc-zanc lorz qiangx, lorz za'eix, lorz ziangh hoc zoux zuiz. Weic zuiz nyei fiem-fingx, mbuo qiemx zuqc Yesu, qiemx zuqc Singx Lingh zanc-zanc dorh mbuo.
2. **Ging-sou gorngv: mouz laanh mienh butv zuiz nyei baengc** (Tin-deic douh 6:5 "*Ziouv buac yiem lungx ndiev mienh zoux waaic sic camv Hnyouv haaix zanc kungx hnamv cuotv waaic nyei jauv hngangv*). Zuiz se hngangv baengc nor, yietc doic jiex yietc doic. Yietc doic bun yietc doic. Zuiz nyei baengc za'gengh maiv haih zorc duqv longx ~ cuotv liuz Yesu Giduc nyei nziaamv.
3. **Ging-sou gorngv: mouz laanh mienh zuqc nduov.** Mbuo maiv zieqv duqv zien leiz, cuotv liuz Singx Lingh zoux gong yiem mbuo nyei hnyouv. Mbuo nyei hnyouv za'gengh orqv haic. Ye^{le}mi 17:9 gorngv, "*Mienh nyei hnyouv gauh guv guaix jiex maanc muotc, za'gengh! waaic haic, haaix dauh haih hiuv duqv naaiv nyungc hnyouv?*" Naaiv nyungc hnyouv maiv dan nduov mienh mv baac nduov ganh caux jienv.
4. **Ging-sou gorngv: mbuo za'gengh qiemx zuqc haic nyei zuiz-mienh.** Weic mbuo nyei hnyouv waaic haic, cuotv liuz Tin-Hungh nyei en haih njoux mbuo, haih nzaaux mbuo, haih bun mbuo buangv hnyouv buangv eix, mbuo nyei maengc yietc liuz kungx-kungx nyei. Mbuo ganh maiv haih tengx ganh, maiv haih njoux ganh, maiv haih zorc ganh.
5. **Ging-sou gorngv: zuiz nyei gong-zinh fai jaax-zinh se daic (Lomaa 6:23).** Se gorngv maiv maaih zuiz nor mbuo zungv maiv zuqc daic. Mouz laanh mienh zuqc daic (sin caux lingh wuonh) weic zuqc zuiz. E^{se} ken 18:20 gorngv, "*Haaix dauh baamz zuiz, wuov dauh oix zuqc daic. Dorn maiv zuqc weic die zoux nyei zuiz ndaam-dorng. Die yaac maiv zuqc weic dorn zoux nyei zuiz ndaam-dorng. Kuv mienh weic ninh zoux nyei kuv sic winh bun ninh. Orqv mienh weic ninh zoux nyei orqv sic zuqc winh bun ninh.*") **Baengc se ZUIZ, hoic nyei se DAIC.**

E. Tin-Hungh zorc zuiz-mienh

1. **Yo[^]han 3:16** “*Tin-Hungh ndongc naaic hnamv lungh ndiev mienh cingx zorqv ninh nyei ndoqc Dorn ceix bun ninh mbuo. Haaix dauh sienx kaux Tin-Hungh nyei Dorn maiv zuqc mietc mv baac duqv yietc liuz nyei maengc*”. Tin-Hungh laengz nyei se haaix laanh mienh sienx kaux Yesu maiv zuqc mietc mv baac duqv yietc liuz nyei maengc. Haaix dauh maiv sienx, wuov dauh zuqc dingc zuiz fai zuqc mietc.
2. **Ging-sou mengh nyei gorngv yiem Hipv[^]lu 9:27** “*Dauh dauh mienh zungv maaih nzunc daic, nqa'haav zuqc Tin-Hungh siemv zuiz*”. Yiem naaiv seix maengc, mbuo maaih yietc norm qiangx hnavg, qiex dangx mingh ziouc ziangx aqv. Yaagorpc 4:14 gorngv, “*Mv baac meih mbuo liemh maiv hiuv duqv njang hnoi meih mbuo nyei maengc oix hnavg haaix nor. Meih mbuo se hnavg diqv dien mouc nor, cuotv dangh hnavg aengx mitc mi'aqv*”.
3. **Ih hnoi se njoux en nyei hnoi, weic mbuo maiv hiuv njang hnoi nyei sic, maiv hiuv duqv ziangh duqv ndongc haaix lauh. Maiv dungx piatv ziangh hoc - dongh maaih nyei ziangh hoc.**

Ginv ei Ging-sou nyei leiz:

1. **Oix zuqc zieqv duqv gorngv mbuo haih ginv:** Ginv sienx Yesu fai maiv sienx (Yo[^]han 3;16). Ginv yangh hepc wuov diuh jauv fai jangv wuov diuh jauv (Matv[^]tai 7:13-14). Maengc se nangv nyei, ziangh hoc jiex siepv nyei, kungx yietc diemv qiex ngaevq daic hnavg.
2. **Oix zuqc hnamv longx nyei ginv duqv zuqc: Ginv zipv Yesu mingh Tin-dorngh fai maiv ginv, ziouc mingh ndortv deic nyuoqc (Matv[^]tai 10:28** Yesu gorngv, “*Maiv dungx gamh nziex mienh. Ninh mbuo haih daix sin mv baac maiv haih daix lingh wuonh. Daaux nzuonx oix zuqc gamh nziex Tin-Hungh. Tin-Hungh haih bun liemh sin liemh lingh wuonh ndortv deic nyuoqc zuqc mietc*”).
3. **Oix zuqc ginv yiem maaih qiex nyei ziangh hoc:** *Maaih deix mienh hnaamv gorngv, "Yauzsing gorngv seiz haic niaa..."* Mv baac se gorngv meih maaih baengc i hlaax hnavg ziouc daic, meih maiv oix meih nyei ndie-sai mbuox meih fai? Se gorngv nyaanh biauv guon, meih maiv oix tengx meih siou nyaanh nyei mienh mbuox meih fai? Se gorngv meih niouv jienv cie mingh mv baac jiouh dangx, meih maiv oix mienh dangv jienv mbuox meih fai? Weic yie zoux Tin-Hungh nyei bou, yie zunh Ninh nyei doz. Yie oix mbuox meih taux kuv fiensex, yaac oix mbuox meih taux zuiz nyei baengc, caux hnavg haaix nor duqv zorc meih nyei baengc. Cuotv liuz sienx Yesu Giduc meih maiv haih duqv caux Zangc Diex horpc hnyouv, meih maiv haih duqv lingh wuonh nyei baengc zorc longx.
4. **Yie sienx gorngv maaih deic nyuoqc nyei, weic zuqc Ging-sou gorngv maaih deic nyuoqc [Matv[^]tai 13:42** “*...zoi bieqc domh douz-nzauc gu'nyuoz, bun ninh mbuo yiem wuov bungx-sing bungx-qiex nyei nyiemv, ngaatc jienv nyaah diev*”; **Lugaa 16:24** “*Ninh ziouc heuc Apc[^]laa[^]ham, ‘Ong aah! Tov korv-lienh yie, mbuox Laa[^]saa[^]latv daaih longc*

buoz-ndoqv coqv wuom daaih ndiepv yie nyei mbietc laangh deix, weic zuqc yiem naaiv douz buov jienv yie mun haic, kouv haic." ; **2 Bide 2:4** "Tin-Hungh maiv liouh baamz zuiz nyei fin-mienh. Ninh zorqv ninh mbuo zoi njiec deic nyuoqc, wuonx jienv yiem hmuangx nyei kuotv, zuov jienv zuqc siemv zuiz." ; **Yiu^ndaa 13; 2 Te^saa^lo^ni^gaa 1:9; Laauc Yaangh 20:10**]. Weic naaiv, yie oix donv mienh heuc mienh daaih sienx Yesu ziouc biaux ndutv zuiz nyei gong-zinh; yaac oix mbuox mienh gorngv Tin-Dorngv se ndongc haaix kuv yiem weic Ging-sou gorngv jienv.

5. **Mbuo qiex zuqc Tin-Hungh guangc mbuo nyei zuiz:** weic zuqc zuiz nyei jaax-zinh se daic caux deic nyuoqc. Mv baac kuv fienx se Tin-Hungh hnamv mbuo, Ninh bun Ninh nyei dorn Yesu, doz benx dauh baamh mienh, daaih njoux mbuo zuiz-mienh. Ninh daic, da'faam hnoi aengx nangh daaih. Tin-Hungh hnamv yaac korh lienh zuiz-mienh. Se gorngv mbuo longc nzuih nyiemc yaac longc hnyouv sienx mbuo ziouc duqv njoux (Lomaa 10:9; 13).
6. Mbuo haih duqv Tin-Hungh guangc zuiz (Singx Nzung 103:12; Mikaa 7:19; E^se^ken 36:25), duqv Tin-Hungh guangc zuiz nyei mienh duqv caux Ninh horpc hnyouv, ziouc maaih baengh orn.
7. **Meih haih ginv dongh meih maaih qiex nyei ziangh hoc hngv! Nyiemc meih nyei zuiz, zipv Yesu zoux meih nyei Njoux Ziouv, ziouc duqv siang ziangh maengc.**

3. Da'faam Nyungc Ginv: Ginv Bun Yesu Zoux Ziouv

Ging-sou yiem: Ko^lo^si 1:15-20

Gorngv jiex gorn nyei waac:

1. Mbuo juangc jienv hoqc taux ziepc nyungc longx nyei ginv, ginv nyei dongh haih yienc maengc nyei jauv. Mbuo duqv hoqc taux ginv sienx gorngv Tin-Hungh hnamv mbuo, yaac ginv zipv ninh guangc mbuo nyei zuiz. Naaiv deix i nyungc ginv se benx gorn-ndoqv jienv nyei ginv. Se gorngv mbuo ginv naaiv deix i nyungc liuz nor, mbuo hiuv yaac maiv zuqc cai gorngv mbuo nyei mouz deic se haaix nyungc, weic haaix nyungc mbuo yiem naaiv norm baamh gen. Mbuo ginv zipv Tin-Hungh nyei hnamv caux ginv zipv Ninh guangc mbuo nyei zuiz se ginv benx Ninh nyei naamh nyouz.
2. **Da'faam nyungc ginv se ginv gorngv haaix dauh zoux meih nyei Ziouv, meih nyiemc bun haaix dauh gunv meih.** Gorngv taux "*bun mienh gunv nor*", buac maaih deix mienh hmien hmuangx dangh, weic maaih mienh waaic camv gunv hoic mienh. Maiv gunv zoux haaix nyungc gong nyei mienh, maaih mienh waaic mienh fih hngv nyei. Maaih mienh maaih hatc maaz fai duqv hatc maaz nor ziouc hoic mienh, yiem biau, yiem gong, yiem jien fouv. Weic naaiv maaih mienh camv gorngv taux bun Ziouv Yesu zoux Ziouv gunv ninh mbuo nor, haiz aqc haic.
3. Duqv maaih Tin-Hungh nyei hatc maaz gunv fai goux nyei mienh oix zuqc zieqv duqv gorngv naaiv se yietc nyungc fuqv Tin-Hungh bun baamh mienh daaih. Tin-Hungh gunv

mbuo, caux goux mbuo, maiv bun waaic nyei daaih hoic. Ninh nyei hnamv biux mengh yiem Yesu Giduc. Ninh nyei waac biux mengh yiem Ging-sou.

4. Mbuo mouz laanh mienh se yiem hatc maaz nyei buoz ndiev. Zuqc mienh gunv fai zuqc nyungc gunv jienv nyei. Mouz laanh mienh ginv bun nyungc zoux ninh mbuo nyei ziouv. Se gorngv mbuo ginv Yesu zoux Ziouv gunv mbuo, goux mbuo, maiv gunv mbuo buangh zuqc haaix nyungc, mbuo hiuv duqv mbuo duqv longx weic maaih Ziouv goux jienv mbuo. Naaiv nyungc ginv za'gengh yienc mbuo nyei maengc.

Gorngv mengh caux muonc Ging-sou:

A. Maaih dauh, maaih nyungc, gunv mbuo laanh laanh mienh

1. Zoux "ziouv" nyei eix-leiz: Yesu zoux Ziouv - maiv gunv meih zipv fai maiv zipv, sienx fai maiv sienx. Yesu gunv nyungc-nyungc. Mbuo zieqv duqv fai zieqv maiv duqv, mbuo zipv fai maiv zipv, mbuo nyiemc fai maiv nyiemc...Ninh bun mbuo haih ginv.
2. Se gorngv mbuo za'gengh sienx Yesu Giduc, mbuo horpc zuqc zipv Ninh zoux mbuo nyei Ziouv gunv mbuo, goux mbuo. Se gorngv Yesu maiv zoux meih nyei Ziouv, meih hnangv haaix nor haih zoux ninh nyei bou? Ninh maiv gunv meih, meih hnangv haaix nor haih gorngv ninh zoux meih nyei Ziouv?
3. Zipv Yesu zoux Ziouv, fai bun Yesu zoux Ziouv, gunv mbuo se gauh ndo deix mienh dorh meih sienx Yesu, "gorngv naaiv deix waac nyiemc liuz zuiz aqv" wuov nyungc. Yesu ganh gorngv, yiem Matv[^]tai 7:21, "*Heuc jienv yie, 'Ziouv aah! Ziouv!' wuov deix mienh, maiv zeiz dauh dauh haih duqv bieqc Tin-Hungh nyei guoqv. Kungx dongh ei yie nyei tin-dorngh Diex nyei eix zoux wuov deix duqv bieqc hnangv.*" Meih nyei maengc oix zuqc doix-diuc meih gorngv nyei fai sienx nyei. Meih zoux nyei oix zuqc doix-diuc Yesu njaaux nyei yiem norm-norm ziangh hoc, nyungc-nyungc meih ginv nyei. Ginv zipv Yesu zoux Ziouv se jienv haic, weic zuqc wuov ndangc hingv maaih norm ziangh hoc, mouz laanh mienh oix zieqv duqv gorngv Yesu zoux Ziouv, maiv gunv ninh mbuo maiv zipv Yesu zoux Ziouv (Fi[^]li[^]poi 2:10; Lomaa 14:11).
4. Ih zanc ginv zipv Yesu zoux Ziouv se gauh longx jiex. Maengc nyei mouz deic se bun mbuo haih longc qiangx zaah mangc gaax, oix bun haaix nyungc, haaix dauh gunv mbuo. Maiv maaih yietc nyungc ndongc duqv ginv Yesu zoux Ziouv jienv. Maiv gunv meih zoux duqv ndongc haaix camv, ndongc haaix guai, ndongc haaix maaih mengh, yietc baeqv hnyangx jiex liuz naaic deix yietc zungv se maiv lamh longc aqv.
5. Yiem naaiv norm seix zangc dongh maaih qiex nyei ziangh hoc oix zuqc ginv yaac oix zuqc hiuv gorngv haaix dauh gunv mbuo goux mbuo. Ginv Yesu zoux Ziouv, fai maiv ginv. Ginv Yesu duqv ziangh maengc, maiv gunv zuqc hoic maengc. Hnangv fiev Hipv[^]lu sou 3:15 gorngv nor: "*Ging-Sou gorngv, "Se gorngv meih mbuo ih hnoi haiz Tin-Hungh gorngv nyei waac, maiv dungx zoux hnyouv ngaengc hnangv meih mbuo nyei ong-taax ngaengc jienv Tin-Hungh wuov nzunc nor."*"

6. Zipv Yesu zoux Ziouv se maaiah eix-leiz gorngv ei Ninh nyei lingc zoux. Se gorngv meih ginv Yesu zoux meih nyei Ziouv, weic meih zieqv duqv meih se zuiz-mienh, qiemx zuqc Njoux Ziouv, meih zipv Yesu zoux Ziouv, meih oix zuqc hoqc hiuv Ziouv nyei waac yiem Ging-sou cingx haih ei. Maiv dan kungx gorngv meih sienx fai hiuv hnavg, oix zuqc ei jienv zoux ziouc bun cing meih bun ninh gunv meih nyei maenge (gunv hnoi-hnoi nyei sic, hnoi-hnoi nyei ziangh hoc, hnoi-hnoi longc nyei zinh nyaanh, hmuangv doic, zoux nyei gong...ziex nyungc).
7. Mbuo ndongc haaix yaac zoux nyungc nyei bou, fai fu-sux nyungc: zoux mienh, zoux mienv, zoux nyaanh nyei bou fai? Haaix dauh/haaix nyungc zoux meih nyei ziouv, wuov dauh/wuov nyungc gunv jienv meih. **Bun mbuo ginv zoux Yesu nyei bou!**
8. Maaiah mienh zoux mienh nyei bou: *gong-ziouv, jien fouv, auv-nqox, fu'jueiv*
9. Maaiah mienh zoux ga'naaiv nyei bou: *bun dongh ninh mbuo maaiah nyei zoux ziouv gunv ninh mbuo...oix maaiah biau v gauh hlo deix zuqc zoux gong gauh camv deix... zoux gor benx bou*
10. Maaiah mienh zoux ganh nyei bou: "Yie...Yie...Yie..." ... "Yie oix duqv naaiv duqv wuov...zoux naaiv zoux wuov...mingh naaiv mingh wuov...". Mienh oix zoux ganh nyei bou weic tengx ganh duqv longx...maaiah "haaix nyungc haih tengx duqv yie" wuov nyungc fiem-fingx...

B. Meih haih ginv fu-sux (bun nyungc, bun laanh, zoux meih nyei ziouv)

1. Se gorngv meih maiv duqv ginv Yesu zoux Ziouv nor meih m'daaiah ginv *zoux mienh, mienv, ga'naaiv, fai ganh* nyei bou. Ginv, bun, fai zipv, Yesu zoux Ziouv oix zuqc zanc-zanc ging jienv hnyouv; maiv zeiz nor, maaiah ziex nyungc daaiah baeng meih nyei maenge.
2. Maaiah mienh camv ginv dorngc, mv baac maiv oix ndaam-dorng. Maaiah mienh camv maiv hnamv taux hoz-nqaang nyei sic dongh ninh mbuo ih zanc ginv nyei ziangh hoc. Mbuo ginv fu-sux, ginv zoux, ginv bun haaix nyungc gunv mbuo, ginv zoux bou se maiv zeiz caa-bouc. Maiv gunv maenge buangh nyei, yiem haaix, longx fai ciouv, mbuo haih ginv Ziouv nyei. Maaiah ziangh hoc aqc nyei mv baac mbuo haih ginv. Mienh maiv haih tengx mbuo ginv, domh mienh maiv haih tengx mbuo ginv, zunh doz mienh maiv haih tengx mbuo ginv, maiv gunv mienh ndongc haaix hnamv meih, maiv haih tengx meih ginv. Tin-Hungh dongh hnamv meih jiex wuov dauh bun meih maaiah qiangx ginv Ninh nyei, mv baac meih ganh oix zuqc ginv.
3. Yo[^]su[^]waa 24:15 gorngv, "Se gorngv meih mbuo maiv buangv hnyouv. fu-sux Ziouv, ih hnoi meih mbuo oix zuqc ginv meih mbuo oix fu-sux haaix dauh. Oix fu-sux meih mbuo nyei ong-taaix-ngaeqv yiem Yu[^]fe[^]ditc Ndaaiah dong bung maengx wuov deix zienh fai Aa[^]mo[^]lai Mienh nyei zienh, dongh meih mbuo ih zanc yiem jienv naaiv norm deic-bung nyei zienh fai? Mv baac yie ganh caux yie nyei biau v zong mienh aeqv, yie mbuo oix fu-sux Ziouv." Tin-Hungh zeix meih daaiah bun meih haih ginv!

C. Meih ginv Yesu zoux meih nyei Ziouv, ginv fu-sux Ninh nyei fai?

1. Maaih hnoi mbuo laanh laanh mienh oix zuqc yiem Yesu nyei nza'hmien zuqc buangh Yesu (Laauc Yaangh 19:11-16) yiem ninh nyei hatc maaz ga'ndiev weic zuqc Yesu zoux Ziouv. Hnangv Laauc Yangh 19:16 gorngv nor, **Yesu se "Maanc hunggh nyei Hunggh, Maanc ziouv nyei Ziouv."**
2. Maaih mienh ginv sienx Yesu nyei mv baac maiv bun Ninh zoux Ziouv gunv ninh mbuo nyei maengc; corc ginv zunc Yesu zoux ninh mbuo nyei bou..."tengx naaiv tengx wuov; bun naaiv bun wuov..." ninh mbuo. Mbuo sienx Yesu, mbuo zipv Ninh zoux Ziouv weic zuqc Ninh se zoux nyungc-nyungc nyei Ziouv. Ninh zeix nyungc-nyungc, weic naaiv Ninh se zoux nyungc-nyungc nyei Ziouv.
3. **Maaih mienh zoux sic hnangv Yesu se ninh mbuo nyei doic nor:** Yesu heuc mbuo zoux ninh nyei doic (Yo^han 15) mv baac ninh zoux mbuo nyei Ziouv. Maaih mienh zoux hnangv Yesu se ninh mbuo nyei zunc nzuih mienh nor - haaix zanc yie qiemx zuqc Yesu ninh ziouc tengx; yie ndorpc nor Ninh daaih ken yie. Cuotv liuz naaic dongh yie maiv qiemx zuqc nyei ziangh hoc, ninh yiem ninh nyei, yie yiem yie nyei. Maaih mienh dorh Yesu hnangv ndiux jang dangh buoz nyei ga'naaiv ngaevq mienv. Yiem buoqc zangc hnoi yie mingh, cuotv liuz naaic yie dorh ninh nyei fangx ndiux jienv jang, fai naetv jienv ninh nyei fangx yiem biau. Zoux leiz fingx, maiv maaih jiu tong.
4. **Maaih mienh laaic duqv Yesu zoux ceix fuqv cui ninh mbuo nyei Ziouv:** Zien nyei, Ninh ceix fuqv bun ei Ninh nyei mienh. Mv baac maaih mienh oix Yesu bun ninh mbuo butv zoih, dau ninh mbuo tov nyei nyungc-nyungc, oix Yesu goux jienv ninh mbuo. Se gorngv Yesu hnangv naaiv nor zoux nor ninh mbuo haiz maengc za'gengh longx haic aqv. Maaih mienh sienx Yesu weic zuotc mienh gan mienh zoux. Ninh mbuo hnaamv dorngc: *"Maiv dungx gorngv taux zuiz. Yie zoux haaix nyungc yaac sueih yie zoux, maiv dungx gorngv yie nor yie a'hneiv nyei sienx"*. Maiv dungx gorngv taux Yesu zoux Ziouv nyei jauv, maiv dungx nyauv yie, heuc yie yienc. Maaih mienh camv sienx dorngc fai bieqc hnyouv dorngc taux zien wuov dau Yesu.
5. **Yesu zoux Ziouv:** (Ko^lo^si 1:15-20 *Yesu se dongh mangc maiv buatac nyei Tin-Hunggh nyei fangx zeiv. Ninh zoux Tin-Hunggh nyei Dorn-hlo yaac gauh hlo jiex zeix daaih nyei maanc muotc. 16 Tin-Hunggh longc ninh zeix yiem lunggh yiem ndau nyei maanc muotc daaih, maiv gunv mangc duqv buatac nyei fai mangc maiv buatac nyei, yiem ndaamv-lunggh zueiz weic nyei, zoux ziouv nyei, maaih lingc maaih qaqv nyei. Tin-Hunggh longc ninh nyei Dorn zeix maanc muotc daaih yaac zeix daaih weic ninh. 17 Yesu yiem ndaangc maanc muotc. Yietc zungv yaac bangc ninh maaih yietc nyeic. 18 Ninh zoux sin nyei m'nqorngv, se dongh jiu-baang nyei m'nqorngv, yaac zoux gorn bun sin ziangh jienv.. Ninh dongh daic mingh aengx nangh daaih nyei daauh dauh, weic bun ninh yiem maanc muotc zoux da'yietv. Weic zuqc Tin-Hunggh ganh dingc bun ninh nyei Dorn maaih Tin-Hunggh ganh nyei fiem-fingx dunh yunh nzengc, 20*

yaac longc ninh bun maanc muotc caux ninh horpc hnyouv, maiv gunv yiem lung h yiem ndau nyei. Ninh longc ninh nyei Dorn yiem ziepc nzaangc jaax liouc cuotv nyei nziaamv bun maanc muotc caux ninh horpc daaih maaih baengh orn...)

- a. **Yesu zoux Ziouv weic ninh se Tin-Hungh, Singx Dorn, mangc duqv buatc nyei Tin-Hungh.** Fangx zeiv maaih eix leiz gorngv fih hngangv nyei yiem hatc maaz, yiem qaqv, caux fiem-fingx. Yesu yietc liuz ziangh jienv nyei. Kungx Yesu *hngangv* hngangv naaiv.
 - b. **Yesu zoux Ziouv weic Ninh se Tin-Hungh nyei Dorn Hlo:** maiv maaih yietc nyungc beiv duqv weic zuqc Yesu maaih qaqv, maaih hatc maaz, maaih njang-laangc. Ganh nyungc maiv haih maaih dorngx beiv duqv Ziouv.
 - c. **Yesu zoux nyungc-nyungc zeix daaih nyei Ziouv:** *Tin-Hungh longc ninh zeix yiem lung h yiem ndau nyei maanc muotc daaih, maiv gunv mangc duqv buatc nyei fai mangc maiv buatc nyei, yiem ndaamv-lung h zueiz weic nyei, zoux ziouv nyei, maaih lingc maaih qaqv nyei (Ko^lo^si 1:16).* Yesu gorngv hngangv, nyungc-nyungc ziouc cuotv daaih. Ninh bun daauh doix mienh maaih qiex tauv. Mangc lung h ndiev nyei ga'naaiv mbuo hiuv duqv ninh nyei hatc maaz caux qaqv. Guai jiex nyei baamh mienh corc zaah maiv tong, zaah maiv toux taux helix nyei jauv, zaah maiv toux taux koiv nyei jauv. Hnamv gaax lung h ndiev ndongc haaix hlo.
 - d. **Yesu zoux Ziouv weic nyungc-nyungc maaih yietv maaih nyiec nyei - se weic Ninh.** *Yesu yiem ndaangc maanc muotc. Yietc zungv yaac bangc ninh maaih yietc nyeic (Ko^lo^si 1:17)* fai weic ninh nanv jienv fai goux jienv. Mangc buatc nyei caux mangc maiv buatc nyei se maaih ziex nyungc. Kauv hoqc sou nyei mienh hiuv duqv maaih camv gor baamh mienh nyei m'zing mangc maiv buatc...hoqc taux naaiv deix jauv za'gengh buatc Yesu nyei qaqv caux njang-laangc.
 - e. **Yesu zoux Ziouv weic Ninh zoux sin nyei m'nqorngv:** Yesu se zoux jiu-baang nyei m'nqorngv, yaac zoux gorn bun sin ziangh jienv (Ko^lo^si 1:18). Sin maiv maaih m'nqorngv ziouc daic mi'aqv, zoux maiv laamh longc. M'nqorngv gunv nyungc-nyungc, liemh mbuo hnamv nyei jauv gunv...Yesu zoux gunv nyungc-nyungc wuov dauh Ziouv.
 - f. **Yesu zoux gorn:** Ninh dongh daic mingh aengx nangh daaih nyei daauh dauh, weic bun ninh yiem maanc muotc zoux da'yietv. Weic naaiv Ninh zoux da'yietv yiem jiu-bang mienh nyei maengc, da'yietv yiem hmuangv doic nyei maengc, da'yietv yiem laanh laanh mienh nyei maengc.
 - g. **Yesu zoux Ziouv:** *Weic zuqc Tin-Hungh ganh dingc bun ninh nyei Dorn maaih Tin-Hungh ganh nyei fiem-fingx dunh yunh nzengc (Ko^lo^si 1:19).* Yo^han 10:30; 14:7, 19-20 gorngv: mbuo hiuv Yesu ziouc hiuv Zangc Diex.
6. **Ging-sou gorngv Yesu se Tin-Hungh, Singx Dorn hinc yangh. Yesu m'daaih hngangv Zangc Diex nor:** Mienh maiv duqv buatc Zangc Diex mv baac duqv buatc Yesu (Yo^han 8:19 *Ninh mbuo naaic, "Meih nyei die yiem haaix?" Yesu dau, "Meih*

mbuo maiv hiuv yie, yaac maiv hiuv yie nyei Die. Se gorngv meih mbuo hiuv duqv yie nor, meih mbuo ziouc hiuv duqv yie nyei Die.” Yo[^]han 10:30 “Yie caux yie nyei Die benx yietc dauh hhangv.”)

Ginv ei Ging-sou nyei leiz:

1. Mouz laanh mienh oix zuqc zieqv duqv gorngv mbuo haih ginv.
2. Mouz laanh mienh haih ginv Yesu zoux Ziouv gunv ninh mbuo benx longx jiex nyei Ziouv dongh haih gunv duqv horpc.
3. Mouz laanh mienh oix zuqc ginv duqv zuqc fai ginv longx. Ginv mbuoqc ginv ei ginv bun zoux Ziouv se jienv nyei ginv.
4. Mienh maaih camv nyungc jauv dongh bun ninh mbuo maiv ginv Yesu zoux Ziouv. Yesu za'gengh zoux Ziouv gunv meih nyei maengc nyei fai? Fai nzuih gorngv hhangv? Meih ginv fai maiv ginv bun ninh gunv se haih tengx fai hoic maengc nyei sic.
5. Sienx Yesu nyei oix zuqc dingc hnyouv yaac nyiemc Yesu zoux Ziouv. Meih ziangh nyei, zoux nyei, gorngv nyei, biux mengh haaix nyungc, haaix dauh zoux Ziouv.
6. Tov Singx Lingh tengx mbuo, bun mbuo haih nyunc bun Yesu zoux Ziouv gunv nyungc-nyungc, gunv mbuo nyei maengc, gunv mbuo nyei hnyouv, gunv mbuo nyei hmuangv doic, gunv mbuo nyei zinh nyanh...Yesu dongh longx jiex wuov dauh Ziouv. *Ginv ginv Ninh zoux Ziouv gunv nyungc-nyungc!*

Da'feix nyungc ginv: Ginv ei Ziouv nyei waac, Ging-sou

Ging-sou yiem: Singx Nzung 19:7-11

Gorngv jiex gorn nyei waac:

Se gorngv ei Ziouv nyei waac yiem maengc, ziouc haih yienc mbuo nyei hnyouv, mbuo nyei hnamv, caux mbuo zoux nyei, mingh nyei. Weic zuqc mbuo haih duqv buangv hnyouv buangv eix yiem Ziouv. Mbuo buatac gomv biau v zangc, ndangc gomv biau v oix zuqc waaz biau v nyei fangx ziouc haih ei jienv yietc mou yietc setv waaz daaih nyei gomv. Haaix zanc maaih sic fai maiv mengh baeqc nor oix zuqc nzuonx "waaz" wuov buonv sou mingh mangc. Gomv biau v se oix zuqc ei jienv waaz biau v nyei mou zeiv. Maengc yaac fih hhangv nyei. Tin-Hungh zeix mbuo daaih ei jienv ninh nyei mou zeiv hhangv. Hhangv waaz biau v nyei mienh waaz daaih, gomv nyei mienh oix zuqc ei jienv gomv nor.

Maaih mienh ceix ninh mbuo nyei maengc hhangv mienh gomv biau v nor - la'guaih gomv, maiv ei jienv waaz biau v nyei mou zeiv, gomv daaih ziouc maiv wuonv. Maaih mienh ziangh ninh mbuo nyei maengc hhangv naaiv, maiv longc ziangh hoc mangc gaax Tin-Hungh hhangv haaix nor oix ninh mbuo ziangh. Sienx liuz maiv ei nyei yaac za'gengh buangh zuqc camv nyungc sic.

Gorngv mengh caux muonc Ging-sou:

A. Tin-Hungh fiev jienv yiem Ging-sou dongh Ninh hhangv haaix nor oix mbuo ziangh yiem naaiv seix zangc:

1. Tin-Hungh zeix mbuo daaih Ninh maaih mouz deic bun mbuo nyei maengc. Ninh hiuv duqv mbuo hhangv haaix nor cingx maaih baengh orn, maaih njien-youh, haaix nyungc bun mbuo buangv hnyouv buangv eix. Ninh fiev Ging-sou weic bun mbuo haih ei jienv ziangh ziouc haih ziangh ei ninh zeix mbuo daaih nyei maengc.
2. Mbuo nyei maengc maiv gunv buangh zuqc haaix nyungc, zuqc ginv nyei ziangh hoc, zuqc seix nyei ziangh hoc, zuqc hoic nyei ziangh hoc, maiv hiuv duqv hhangv haaix nor zoux nyei ziangh hoc...oix zuqc nzuonx mingh mangc gaax Ging-sou hhangv haaix nor gorngv. Hhangv gomv biauv zangc, maaih sic nor ziouc nzuonx mingh mangc waaz wuov buonv sou nyei mou zeiv.
3. Maaiz cie nyei mienh maaiz siang-cie, gan jienv cie daaih se yietc buonv domh sou gorngv taux cie nyei mou zeiv. Haaix nyungc yiem haaix, hhangv haaix nor zoux gong. Maaih mienh maaih cie, fai siang nyei ga'naaiv, maiv gunv haaix nyungc, ninh mbuo maiv doqc naaiv deix sou. Se gorngv buangh zuqc sic, ninh mbuo ziouc maiv hiuv duqv horpc zuqc hhangv haaix nor zoux.
4. Sieng Tin-Hungh nyei mienh maiv dungx la'kuqv - haaix zanc maiv hiuv duqv hhangv haaix nor zoux, oix zuqc mangc gaax Ziouv nyei waac hhangv haaix nor gorngv, mbuo horpc zuqc hhangv haaix nor zoux, ginv, fai ziangh.
5. Ziouv nyei waac se maaih qaqv bun mbuo haih duqv njoux (Lomaa 1:16), bun mbuo haih hingh mienv nyei hungh (Matv[^]tai 4:1-4; Yaagorpc 4:7). Dorh Ziouv nyei waac, zien leiz, daaih longc yiem maengc bun mbuo hiuv cing jaav nyei. Ziouv nyei waac bun mbuo haih maaih zien baengh orn, njien-youh. Weic zuqc maiv maaih Ziouv nyei waac meih maiv haih hiuv duqv meih nyei maengc nyei mouz deic, maiv hiuv duqv hhangv haaix nor yangh njang nyei javv, maiv haih bun dongh meih nyei hnyouv qiemx zuqc nyei. Kungx Ziouv nyei waac haih bun baamh mienh buangv hnyouv.
6. Mbuo nyei maengc maiv daan kungx zuqc uix sin zangc, oix zuqc uix lingh wuonh jienv jiex (Matv[^]tai 4:4). Ziouv nyei waac bun mbuo maaih lamh hnamv yiem hoz nqang nyei sic, weic mbuo haih duqv yiem yietc liuz nyei dorngx (2 Ko[^]lin[^]to 5:8). Ziouv nyei waac tengx dorh mbuo yangh duqv horpc mingh Tin-dorngw wuov diuh javv, mbuo zungv hnamv maiv zaaic nyei dorngx (1 Ko[^]lin[^]to 2:9).
7. Ziouv nyei waac bun mbuo maaih lamh hnamv maaih lamh kaux (Singx Nzung 118:18; Naanc Zingh Nzung 3:21-24). Maiv gunv buangh zuqc haaix nyungc, nzunc baav zungv haih daic nyei. Maaih lamh hnamv se yietc nyungc dongh baamh mienh haih maaih, yaac haih hiuv duqv gorngv maiv zaaic - maiv gunv haaix nyungc cuotv daaih, mbuo haih mangc yiem tong Ziouv nyei m'zing.
8. Ziouv nyei waac tengx mbuo, orn mbuo, donv mbuo, njaaux mbuo, dorh mbuo (Singx Nzung 119:105), zorc mbuo mun nyei hnyouv, nunz mbuo namx nyei hnyouv (Singx Nzung 23:2-3). Ziouv nyei waac bun mbuo nyei hnyouv fingv jiex daaih,

nzaaux nzengc mbuo nyei hnyouv, bun mbuo haih maaiah zien baengh orn weic mbuo ei jienv Ziouv nyei waac ziangh (Singx Nzung 1:1-2 "*Maaiah orn-lorqc nyei mienh se maiv muangx mienh waaic mienh nyei za'eix, maiv yangh zuiz-mienh nyei zaux-mbiec, yaac maiv caux huotv Tin-Hungh nyei mienh juangc jauv yangh. 2 Daaux nzuonx ninh a'hneiv Ziouv nyei leiz-latc, ziu yiex fei-fangv ninh nyei leiz*").

9. Weic naaiv yie cingx ginv ei Ziouv nyei waac, weic zuqc kungx Ziouv nyei waac hnangv haaix bun mbuo maaiah laamh hnamv, maaiah lamh kaux, haih tengx duqv mbuo, haih zorc mbuo nyei hnyouv, haih bun mbuo maaiah zien baengh orn.

B. Tin-Hungh nyei waac oix zuqc zoux hatc maaz yiem maengc...Ginv gan jienv Ging-sou nyei waac:

1. Meih zieqv duqv Ziouv nyei hatc maaz hnangv Matv[^]tai 8:5-13 wuov dauh baeng-bieiv nyei fai? [*Baeng-bieiv gorngv, "Domh Gorx aac, yie nyei bou butv baengc-mbai, bueix wuov biau, diev duqv kou haic." Yesu gorngv, "Yie oix mingh zorc ninh longx." 8 Baeng-bieiv gorngv, "Domh Gorx ganh maiv zuqc mingh aqv. Yie maiv puix zipv meih bieqc yie nyei biau. 'Meih kungx gorngv cuotv hnangv, yie nyei bou ziouc longx aqv.'"*] Naaiv laanh baeng-bieiv zieqv duqv Ziouv nyei waac maaiah hatc maaz: "*Yie hiuv duqv meih se dongh haaix dauh, yie hiuv duqv meih haih nyei maiv zuqc mingh taux maan jienv yie nyei bou, gorngv hnangv ziouc ei jienv meih gorngv nyei cuotv.*" Mbuo sienx Yesu nyei mienh oix zuqc bieqc hnyouv taux Ging-sou (Ziouv nyei waac) nyei hatc maaz hnangv naaiv laanh baeng bieqc hnyouv nor.
2. Meih mbuo zieqv duqv Ging-sou/Ziouv nyei waac nyei hatc maaz nyei fai? (2 Ti[^]mo[^]tai 3:16; 2 Bide 1:3) Sienx Yesu nyei naamh nyouz maiv haih ziangh buangv mouz deic cuotv liuz mbuo ginv ei Ziouv nyei waac, ginv bun Ziouv nyei waac nyei hatc maaz gunv. Ging-sou se Ziouv nyei cong-mengh waac...Ninh hiuv nyungc-nyungc. Weic naaiv, mienv seix Yesu nyei ziangh hoc Yesu gorngv, "*Ging-sou fiev jienv gorngv...*"
3. Maaiah sienx Yesu mienh corc maiv zipv Ging-sou nyei waac zoux hatc maaz gunv ninh mbuo nyei maengc:
 - a. Ninh mbuo maaiah camv buonv nyei mv baac maiv tengx duqv weic zuqc ninh mbuo zoux sic bun Ging-sou hnangv yiem huoz nyanc hnaangx nor - sie fai mbienc nor nyanc hnangv...oix nyei dorngx nor ei, maiv oix nor maiv ei.
 - b. Maaiah sienx nyei mienh buatc Ging-sou se hnangv "insurance", yie maiv maaiah sic maiv qiex zuqc wuov nyungc...la'guaih longc jienv deix gaux aqv, da'faanh maiv dorngc hungh jaa.
 - c. Maaiah mienh doqc Ging-sou hnangv sai cie-hlang nor (seat belt) - maiv oix lorqc, mv baac oix zuqc zoux benx "leiz". Yie doqc weic "oix zuqc doqc...", maiv zeiz weic "yie ginv doqc weic yie hnamv Ziouv nyei waac". Hnangv naaiv zoux, Ging-sou maiv zeix benx ninh mbuo nyei hatc maaz.

- d. Maaih mienh yietc camx yietv camx nyei oix naaiv oix wuov...laanh baav mienh yietc camx oix Ziouv nyei waac, yietc camx naamx hnyouv taux Ziouv nyei waac.

C. Tin-Hungh nyei waac maaih hatc maaz bun meih weic haih yienc meih nyei maengc:

1. Mbuo haih hiuv duqv gorngv Ziouv nyei waac maaih hatc maaz yiem mbuo nyei maengc se gorngv Ziouv nyei waac yienc mbuo nyei jauv, yienc mbuo hnamv nyei, zoux nyei sic, goiv hnyouv guangc zuiz, ei Ziouv nyei eix, maiv zeiz ei yie hanc nyei. (Cong-mengh 14:12 "*Maaih diuh jauv mienh buatec hhangv horpc nyei, mv baac setv mueiz benx zuqc daic nyei jauv.*") Zuiz-mienh hanc mingh dorngc jauv, zoux doix-dekc Tin-Hungh, mv baac se gorngv Ziouv nyei waac zoux hatc maaz yiem maengc, ziouc yienc, ziouc bun zuiz-mienh simv nqoi loz nyei jauv, loz nyei fiem-fingx, loz nyei doic. Tin-Hungh nyei waac dangv jienv meih mingh dorngc nyei jauv, dorh meih nyei zaux yangh horpc (Singx Nzung 119:105), bun meih maiv cai pien fai piatv mingh Tin-Dorngw wuov diuh jauv.
2. Ging-sou zanc-zanc zuqc mienh doix-dekc, mv baac doic jiex doic se wuonv weic zuqc naaiv se Ziouv nyei waac. Maiv maaih jiex haaix buonv sou ndongc Ging-sou zuqc mienh zoux doqc, zorqv buonv, gorngv ki. Weic zuqc Ging-sou gorngv nyei waac, weic zuqc Ging-sou nyei hatc maaz, zuiz-mienh nzorng Ging-sou weic zuqc kungx Ging-sou hhangv bun ninh mbuo haih maaih lamh hnamv, weic zuqc Ging-sou nuqv zuqc ninh mbuo orqv nyei hnyouv. Maiv gunv ndongc naaiv zuqc mienh zoux hoic naaiv buonv sou, Tin-Hungh beu jienv goux jienv Ninh nyei waac. Ninh mbuo zoux nyei maiv zeiz doix-dekc sou mv baac doix-dekc Tin-Hungh, weic zuqc naaiv se Tin-Hungh nyei waac.
3. Tin-Hungh dorh 40 lengh laanh fiev Ninh nyei waac yiem *i cin hnyangx* nyei ziangh hoc....Tin-Hungh longc zoux ndeic nyei mienh, longc zoux hungh nyei mienh, longc guai nyei mienh, longc lorz mbiaux nyei mienh. Mv baac yietc zungv fiev nyei doix-diuc weic Tin-Hungh dorh ninh mbuo fiev. Ih zanc wetv cuotv nyei ga'naaiv yaac doix diuc Ging-sou. Nyungc-nyungc douc waac mienh gorngv nyei cuotv daaih doix nzengc. Cuotv liuz Tin-Hungh dorh mienh fiev, fungc haih gorngv duqv zuqc nyungc-nyungc taux Yesu nyei maengc, ninh zoux nyei, ninh daic caux panh nangh nyei jauv?
4. Ging-sou nyei waac mengh nyei gorngv, naaic se Tin-Hungh nyei waac weic zuqc yietc liuz ziangh jienv nyei waac, maiv goiv yienc nyei waac.

Ginv ei Ging-sou nyei leiz:

1. **Ginv Ziouv nyei waac zoux hatc maaz gunv meih nyei maengc:** Weic zuqc kungx Ziouv nyei waac hhangv haih bun mbuo nyei maengc buangv. Haih yienc dongh hnamv dorngc nyei, haih dorh mbuo nyei maengc yangh duqv horpc Ziouv nyei jauv. Oix zuqc hoqc linc (2 Ti^{mo}^tai 2:15), oix zuqc maaih hnyouv ngorc, fai maaih *longc hnyouv* hoqc

neyi eix (Singx Nzung 42:1 "*O Tin-Hungh aac, yie neyi hnyouv ngorc meih hnavg njaih ngorc ndoqv neyi wuom-daaiah nor*"). Oix zuqc a'hneiv Ziouv neyi leiz-latc, "ziu yiex fei fangv" ninh neyi leiz (Singx Nzung 1:2; Singx Nzung 119:97 "*O yie za'gengh hnamv meih neyi leiz-latc, yie ziangh hnoi maiv dingh liouh neyi fei-fangv*".) Oix zuqc nyanc Ziouv neyi waac, hnavg Yi[^]li[^]mi 15:16 gorngv nor, "*Ziouv, Nernh Jiex neyi Tin-Hungh aac, yie duqv meih neyi waac se dorngv yie neyi nyanc hopv. Meih neyi waac bun yie njien-youh yaac bun yie hnyouv a'hneiv, weic zuqc yie se gan meih neyi mbuox heuc neyi mienh.*" Ginv Ziouv neyi waac, ginv dorh Ninh neyi waac neyi hatc maaz daaih gunv mbuo neyi maengc, ginv ngorc, ginv a'hneiv Ziouv neyi waac.

2. **Ginv doqc Ziouv neyi waac:** Manc-manc doqc manc-manc nyanc...doqc jienv mingh hiuv Ziouv camv jienv mingh ziouc jaa haih bungx hnyouv Ziouv camv jienv mingh. Se gorngv meih za'gengh maaih hnyouv oix hiuv Ziouv, Singx Lingh ziouc bun meih hiuv Ninh. Weic Ziouv oix meih hiuv ninh caux ninh jiu-tong.
3. **Ginv zaah Ziouv neyi waac:** Tin-Hungh oix mbuo longc hnyouv zaah Ninh neyi waac weic oix bun mbuo neyi sienx fim haih wuonv - weic mbuo zaah neyi mbuo ziouc zieqv duqv Ninh neyi waac gengh dongh zien leiz zoux dang bun mbuo neyi jauv.
4. **Ginv dorh Ging-sou neyi eix-leiz daaih yiem maengc:** Dorh ging-sou neyi waac daaih corngh mangc, hoqc ninh neyi eix-leiz bun taux Ging-sou ziangh hoc neyi mienh, ging-sou neyi eix-leiz bun taux yie, hnavg haaix nor dorh daaih longc yiem maengc...hnavg haaix nor donv yie, njaaux yie.
5. **Ginv jangx Ziouv neyi waac:** Singx Nzung sou gorngv "ziu nyiex fei fangv"; Nzamc Leiz Latc sou 6 gorngv, "jiex sin bueix njiec oix zuqc jangx". Singx Nzung 119:11 gorngv, se gorngv mbuo jangx jienv Ziouv neyi waac ziouc maiv zoux zuiz dorngc Ziouv. Buih Ziouv neyi waac se longx neyi dongh mbuo qiemx zuqc neyi ziangh hoc haih dorh Ziouv neyi waac daaih longc duqv horpc.
6. **Ginv mbuox mienh taux Ziouv neyi waac:** Maiv dan hoqc mv baac njaaux mienh. Mbuo mouz laanh haih ginv neyi, ginv ei Ziouv neyi waac, ginv dorh Ziouv neyi waac zoux hatc maaz yiem maengc ziouc yienc mbuo neyi maengc.

Da'hmez nyungc ginv: Ginv guangc mienh neyi zuiz

Ging-sou yiem: Matv[^]tai 18:23-35

Gorngv jiex gorn neyi waac:

Mbuo duqv juangc jienv hoqc taux ziepc nyungc jienv haic neyi ginv dongh yienc mbuo neyi maengc yietc liuz. Jiex daaih mbuo duqv juangc jienv hoqc taux ginv zipv Tin-Hungh neyi hnamv, ginv zipv Tin-Hungh guangc mbuo neyi zuiz, ginv bun Yesu zoux Ziouv, ginv ei Ziouv neyi waac yiem Ging-sou. Mbuo oix borqv jienv mingh hoqc taux da'hmez nyungc ginv, se gorngv mbuo duqv zipv Tin-Hungh neyi mienh, zipv Ninh neyi hnamv, zipv Ninh zoux mbuo

neyi Ziouv, yaac zipv ninh guangc mbuo neyi zuiz, mbuo yaac oix zuqc “*ginv guangc mienh neyi zuiz*”. Se gorngv meih ginv naaiv deix jienv neyi ginv meih neyi maengc za’gengh duqv Ziouv yienc. Gorngv taux ginv guangc mienh neyi zuiz se za’gengh benx meih haih ginv neyi yietc nyungc. Maengc m'daaiah hngangv meih maaih neyi ga’naaiv yiem biauv nor, hnyangx jiex hnyangx meih siou duqv ga’naaiv gauh camv deix. Hnyangx jiex hnyangx, maaih mienh zoux dorngc, zoux mun, zoux bun meih neyi hnyouv jaa aengx im camv deix. Se gorngv meih maiv ginv guangc m'daaiah hngangv meih hnyangx jiex hnyangx siou ga’naaiv yiem biauv - zoux gor forqv biauv, liemh maiv maaih jauv yangh wuov nyungc.

Haaix nyungc yiem biauv lauh deix maiv qiex zuqc longc mbuo zorqv guangc fai bun qiex zuqc longc neyi mienh weic mbuo maiv forqv biauv. Mbuo yiem maengc haih ginv bun mun neyi sic, mienh zoux doqc zoux dorngc neyi jauv, zoux hoic neyi sic hietv jienv mbuo neyi hnyouv, fai mbuo haih ginv guangc mienh neyi zuiz hngangv Tin-Hung h ginv guangc mbuo neyi zuiz nor.

Gorngv mengh caux muonc Ging-sou:

A. Mbuo haih siou mienh zoux dorngc mbuo neyi

1. Mbuo neyi maengc haih siou camv nyungc neyi, mv baac yietc nyungc dongh Tin-Hung maiv oix mbuo siou yiem hnyouv fai hnamv neyi se dongh mienh zoux dorngc mbuo neyi sic. Zien neyi, aqc duqv simv aqc duqv la’kuqv mienh zoux doqc, zoux hoic, zoux dorngc mbuo neyi sic; mv baac weic zuqc mbuo zieqv duqv Tin-Hung neyi en liouc njiec taux mbuo neyi merngc, mbuo yaac fih hngangv oix zuqc hngangv wuov nor liouc taux ganh dauh neyi maengc.
2. Siou mienh zoux doqc, zoux dorngc mbuo neyi sic se hngangv siou la’fapv yiem biauv nor. Yiem mbuo neyi deic bung zoqc-zoqc se yietv norm buoqc zangc hnoi, janx daaih siou nzunc mbuo guangc neyi la’fapv. Hnamv mangc gaax se gorngv yietc hlaax fai yietc hnyangx janx maiv daaih siou mbuo neyi la’fapv nor maaih dorngx aan neyi fai? Siou dongh mienh zoux doqc, zoux dorngc, zoux bun mbuo mun hnyouv neyi sic yaac fih hngangv neyi se gorngv mbuo siou jienv hnyouv nor zoux douc buangv hoic ganh, hoic hmuangv doic, hoic mbuo buangh zuqc neyi mienh.
3. Ginv guangc mienh neyi zuiz se yietc nyungc dongh Tin-Hung bun mbuo haih zoux neyi, weic bun mbuo maiv zuqc ndaam jienv fai siou jienv mienh zoux dorngc fai zoux doqc mbuo neyi. Mbuo jaa gox jienv mingh mbuo horpc zuqc jaa hoqc hiuv fai jaa zieqv duqv gorngv oix zuqc guangc mienh neyi zuiz weic mbuo oix maaih ziangh maengc hngangv Tin-Hung oix mbuo maaih neyi maengc.
4. Ginv guangc mienh neyi zuiz se ginv lorz qiangx fai ginv zorc ganh neyi maengc taux mun, doqc, caux hoic neyi sic dongh mbuo buangh zuqc neyi. Mbuo oix zuqc ginv guangc hmuangv doic, jiu-bang doic, caux mienh neyi zuiz.
5. Mbuo mouz laanh mienh mangc nzuonx jiex daaih neyi ziangh hoc, maaih camv nyungc neyi dongh mbuo horpc zuqc yienc, dongh mbuo zoux dorngc Tin-Hung, dorngc mienh, mbuo maiv haih nzuonx yienc jiex daaih neyi mv baac mingh wuov

ndangc hingv mbuo haih ginv guangc mienh zoux dorngc mbuo nyei weic zuqc Tin-Hungh guangc mbuo zoux dorngc Ninh nyei zuiz.

6. Ginv maiv guangc zuiz hoic ganh caux hoic mienh. Maiv guangc zuiz nqaeqv jiu-tong nyei jauv, hoic jiex daaih, ih zanc, caux nqa'haav hingv nyei sic.

B. Mbuo haih ginv guangc mienh zoux nyei zuiz

1. Yesu njaaux Ninh nyei sai-gorx mbuo daux gaux yiem Matv[^]tai 6:9-15, Ninh njaaux sai-gorx mbuo ziex nyungc nyei weic zuqc sai-gorx mbuo heuc ninh njaaux ninh mbuo hnavg haaix nor daux gaux (Lugaa 11:1). Yesu maiv zeiz heuc mbuo nzamc Ninh nyei waac fai zuotc Ninh gorngv, mv baac daux gaux hnavg naaiv.
2. *“Tov guangc yie mbuo zoux nyei zuiz, hnavg yie mbuo guangc zoux dorngc yie mbuo wuov deix mienh nyei zuiz nor” (Matv[^]tai 6:12).* *“Se gorngv mienh dorngc meih mbuo, meih mbuo yaac guangc bun ninh mbuo nor, meih mbuo nyei tin-dorng Diex yaac guangc meih mbuo nyei zuiz. Mv baac mienh dorngc meih mbuo, meih mbuo yaac maiv guangc nor, meih mbuo nyei Zaangc Diex yaac maiv guangc meih mbuo nyei zuiz” (Matv[^]tai 6:14-15).* Ndongc naaiv mengh se maiv maaih aqv. Ging-sou se maaih camv yiemc dongh mbuo maiv mengh baeqc. Mv baac gorngv taux guangc mienh nyei zuiz, Tin-Hungh gorngv mengh nyei. Weic mbuo duqv Tin-Hungh guangc zuiz nyei mienh oix zuqc guangc mienh nyei zuiz. Se gorngv mbuo maiv guangc mienh nyei zuiz bun cing mbuo maiv zieqv duqv Tin-Hungh, Ninh ziouc maiv guangc mbuo nyei zuiz. Yesu gorngv nyei se maiv zeiz gorngv mbuo guangc mienh nyei zuiz duqv Tin-Hungh guangc mbuo nyei zuiz, mv baac duqv Tin-Hungh guangc zuiz nyei mienh oix zuqc ginv guangc mienh nyei zuiz. Se gorngv mbuo guangc mienh nyei zuiz, mbuo ziouc duqv bungx nqoi maiv zuqc ndaam fai ziangh im nyei hnyouv.
3. Guangc zuiz se nzunc-nzunc benx ginv nyei: Tin-Hungh gorngv ginv guangc mienh nyei zuiz se jienv haic, za'gengh oix zuqc benx jienv nyei yietc nyungc ginv bun mbuo nyei maengc. Yiem Siang Ngaengc waac “guangc zuiz” wuov joux waac se maaih 143 nzunc, maaih eix-leiz gorngv bun dongh mienh qiemx nyei fai zoux nyei. Yiem zinh nyanh nyei jauv nor guangc mienh qiemx nyei zinh nyanh.
4. Tin-Hungh nyei hnavv jaa hlo faaux yiem mbuo nyei maengc, mbuo jaa haih guangc mienh nyei zuiz. Se gorngv mbuo ginv guangc mienh nyei zuiz, naaiv nyungc fiem-fingx se doix-dekc baamh gen nyei fiem-fingx. (Baamh gen nyei fiem-fingx se mienh zoux doqc meih, meih zoux doqc mienh, mienh hoic meih, meih hoic mienh nzuonx, jauv win nyei fiem-fingx). Mienh buatac meih maaih guangc mienh nyei zuiz nyei fiem-fingx, ninh mbuo ziouc oix hiuv duqv weic haaix nyungc.
5. Duqv Tin-Hungh guangc zuiz nyei mienh, gauv hungh heic bun ninh mbuo guangc mienh nyei zuiz. Guangc zuiz fai guangc mienh dorngc mbuo se benx yietc nyungc ginv. Mbuo haih dingc hnyouv guangc maiv longc mienh zoux dorngc bun mbuo nyei. Mbuo haih bungx ninh mbuo nqoi. Hnavg mienh maaih norqc yiem longh -

- koi gaengh nqoi ziouc bun norqc haih ndaix cuotv longh. Mbuo guangc mienh nyei zuiz se koi gaengh nqoi bun mienh duqv bungx nqoi.
6. Mbuo haih ginv guangc mienh zoux dorngc, zoux doqc mbuo nyei; fai, mbuo haih ginv siou. Maaih mienh zuqc mienh zoux dorngc faix-fiuv sic, mv baac ginv siou ziex hnyangx dongh mienh dorngc nyei, ziouc zoux hoic ninh mbuo ganh nyei maengc ziex hnyangx.
 7. Maaih mienh gorngv "meih maiv hiuv duqv naaiv laanh mienh, wuov laanh mienh, zoux naaiv nyungc, zoux wuov nyungc doqc bun yie, zoux dorngc yie, zoux hoic yie...yie fungc haih guangc?" Mv baac se gorngv mbuo zieqv duqv Tin-Hungh guangc mbuo nyei nyungc-nyungc zuiz, mbuo yaac haih ginv guangc mienh zoux nyei zuiz - maiv gunv ninh mbuo maiv nyiemc, mbuo corc haih ginv bungx nqoi, koi nqoi longh gaengh bungx ninh mbuo.
 8. Yiem meih nyei maengc maaih haaix dauh dongh qiemx zuqc meih guangc ninh mbuo zoux dorngc nyei?...Hnamv liuz...gunv gorngv mbuox Ziouv..."Ziouv aac, yie ginv guangc naaiv dauh mienh wuov dauh mienh nyei zuiz..."

C. Mbuo guangc fai siou nyei jaax-zinh

1. Ginv guangc mienh zoux nyei zuiz fai ginv maiv guangc se hngangv yangh jauv taux jauv-caax nor. Mbuo nyei maengc zanc-zanc maaih mienh zoux doqc bun mbuo, zoux dorngc mbuo, m'daaiah hngangv mbuo maaih ziangh hoc zoux dorngc mienh nor. (Yaagorpc 3:2 "*Mbuo dauh dauh zoux dorngc camv-nyungc nyei. Haaix dauh yietc liuz maiv gorngv dorngc haaix nyungc, wuov dauh se dunh yunh nyei mienh, haih gunv duqv nzengc ninh ganh nyei sin*"). Maiv gunv hngangv haaix nor, mbuo oix zuqc zuotc Yesu nyei nyungc. Ninh zuqc mienh zorqv ninh ding yiem ziepc nzangc jaax. (Yiem Lugaa 23:43 *Yesu gorngv, "Aa Die aah! Tov Die guangc nqoi ninh mbuo nyei zuiz, weic zuqc ninh mbuo zoux nyei ninh mbuo maiv hiuv."* *Ninh mbuo yaac zorqv Yesu nyei lui-houx daaih ndouv mangc weic bun nqoi.*)
2. **Guangc zuiz nyei mienh gorngv:** "Meih maiv qiemx haaix nyungc yie." "Meih maiv zuqc jauv yie, yie maiv lorz qiangx jauv win bun meih." "Yie maiv longc meih zoux dorngc nyei zuiz, yie maiv lorz qiangx jauv win. Tin-Hungh zeix yie daaih maiv zeiz oix yie ziangh hngangv naaiv nor."
3. **Maiv guangc zuiz mienh gorngv:** "Meih qiemx yie, dorngc yie." "Yie oix meih duqv seix mueiz, yie oix jauv fai winh bun meih zoux bun yie nyei." "Meih zoux doqc, gorngv doqc, zoux hoic, zoux dorngc nyei yie oix jauv nzuonx." "Yie oix lorz mienh tengx jienv yie, yie oix mbuox mienh taux meih zoux nyei sic. Yie oix zoux bun meih yietc liuz maiv la'kuqv wuov nyungc hnyouv."
4. **Ginv maiv guangc zuiz se hngangv "cancer" fai baengc ziangh sin nor. Maiv gatv guangc naaiv nyungc baengc, baengc jiex gorn hoic gormx ziangh sin...ziouc daic. Maiv guangc zuiz yaac hoic taux lingh wuonh, meih siou jienv hnyouv ziouc hoic meih.**

5. **Maaih mienh weic ziox diuc maiv kangv guangc mienh nyei zuiz:**

- a) Ninh mbuo hnamv gorngv mienh za'gengh zoux doqc fai dorngc duqv ndo fai hlo haic bun ninh mbuo maiv haih la'kuqv...mv baac se gorngv meih maiv **ginv** guangc mienh zoux dorngc meih nyei zuiz, meih maiv maaih hnoi haih la'kuqv. Maiv gunv mun ndongc haaix ndo, mienh zoux ndongc haaix doqc, Tin-Hungh haih zorc mbuo nyei hnyouv bun mbuo haih maaih qaqv ginv guangc mienh zoux nyei weic mbuo zieqv duqv mbuoqc Ninh.
- b) Maaih deix mienh hnamv gorngv oix zuqc longc ziangh hoc lauh nyei, ziangh hoc jiex jienv mingh daix haih guangc fai la'kuqv nyei mv baac zien nor, ziangh hoc jiex jienv mingh jaa zoux hnyouv jaa im jienv faaux se gorngv mbuo maiv ginv guangc mienh zoux nyei zuiz nor. Maaih mienh siou jienv mun nyei, mienh zoux dorngc nyei ziox hnyangx. Maiv gunv faix-fiuv sic fai hlo nyei sic, se gorngv mienh zuov ziangh hoc lauh ziouc jaa mun.
- c) Maaih mienh hnamv "se gorngv mienh maiv tov fai maiv nyiemc zuiz..." ninh mbuo ziouc maiv guangc zuiz. Deix baav zuov yietc seix mv baac dorngc nyei mienh maiv hiuv fai maiv tov. Meih nyei maengc maiv haih zuov mienh tov cingx guangc. Ginv guangc weic ginv maiv hoic meih ganh, zoux bun meih mun nyei mienh maiv gunv yaac maiv hiuv duqv meih zuqc nyei. Hnyouv im, hnyouv qiex jiex, hnyouv nzorng se hoic ganh. Hnangv maaih douz-tanx yiem buoz nor, jaa nanv jienv jaa buov ganh. Bungx nqoi mienh zoux dorngc meih nyei...simv nqoi naaiv nyungc mienh.
- d) Yie maiv haih guangc weic zuqc yie maiv haih la'kuqv mienh zoux bun yie nyei. Zien-zien nor, mienh maiv haih la'kuqv se gorngv meih maiv guangc mienh nyei zuiz. Guangc mienh zoux dorngc nyei bun cing meih ginv bun Ziouv zorc meih nyei hnyouv. Yo[^]sepv nyei maengc zoux nyungc zeiv. Zuqc ninh nyei gorx, zuqc mienh zoux doqc, mv baac ninh ginv guangc mienh nyei zuiz. Tin-deic douh 41:51 gorngv, "Yosepv ziouc tengx ninh nyei dorn-hlo cuotv mbuox heuc Maa[^]natv[^]se. Ninh gorngv, "Tin-Hungh tengx yie la'kuqv yie nyei yietc zungv kouv naanc caux yie nyei die nyei biauv zong hmuangv doic." Tin-Hungh haih tengx mbuo se gorngv mbuo ginv muangx Ninh. Doqc Tin-deic douc taux Yo[^]sepv nyei maengc yietc nyungc mengh nyei gorngv Tin-Hungh caux ninh yiem maiv gunv buangh zuqc nyei haaix nyungc.
- e) Maaih deix mienh nzauh heix "se gorngv yie guangc ninh nyei zuiz nor ninh aengx zoux jienv mingh, yie oix zuqc nouz, qiex jiex, oix jauv win...". Mv baac jangx jienv jauv win se Tin-Hungh nyei gong. Ninh se baengh fim nyei Ziouv (Lomaa 12:19 "Hnamv nyei gorx-youz aac, maiv dungx jaauv win. Oix zuqc jiu bun Tin-Hungh, sueih Tin-Hungh mbenc. Weic zuqc maaih waac fiev jienv Ging-Sou gorngv, "Ziouv gorngv, 'Jaauv win se yiem yie. Yie za'gengh jaauv aqv.""). Mbuo oix zuqc muangx Tin-Hungh nyei waac sueih Tin-Hungh ganh jauv mienh zoux bun mbuo nyei. Maiv gunv meih nyei hmuangv doic fai ga'hlen nyei mienh, haih simv nor simv nqoi. Deix baav juangc biauv mienh tov Tin-Hungh ganh tengx. Maiv gunv ninh mbuo maiv tov

mbuo yaac ginv guangc weic Yesu hnavg naaic zoux (Lugaa 23:34). Ding Yesu nyei mienh maiv tov ninh guangc ninh mbuo nyei zuiz, mv baac Yesu ganh tov Zangc Diex guangc dongh ninh mbuo zoux nyei.

6. Guangc zuiz se bangc Tin-Hungh tengx mbuo bungx mienh zoux dorngc mbuo nyei, mbuo ginv guangc mienh nyei zuiz. Se gorngv ninh mbuo tov mbuo ziouc guangc, se gorngv ninh nyiemc dorngc yaac goiv hnyouv mbuo ziouc guangc. Mv baac se gorngv ninh maiv gunv maiv tov niv? *Mbuo ginv* guangc weic bun mbuo caux Tin-Hungh haih maaih jiu-tong horpc hnyouv.

Ginv ei Ging-sou nyei leiz:

1. Oix zuqc zieqv duqv gorngv maiv guangc mienh nyei zuiz se benx zuiz. Maiv dungx lorz dorngx daaih jaev sin gorngv weic naaiv weic wuov. Oix zuqc dingc hnyouv oix zuqc ginv guangc mienh zoux dorngc mbuo nyei. Buatc dongh zoux dorngc meih nyei mienh fai zoux doqc bun meih nyei mienh maiv zeiz gorngv meih la'kuqv nzengc ninh mbuo zoux nyei mv baac ginv maiv longc ninh mbuo zoux nyei zuiz, ginv maiv dorh daaih gorngv, ginv maiv lorz qiangx javv win, ginv maiv dungx hnavv taux ...hungh heic nyei fai? Maiv hungh heic.
2. Mbuo oix zuqc zieqv duqv gorngv guangc mienh zoux dorngc mbuo se zuotc Tin-Hungh nyei nyungc, maiv guangc se hoic mbuo ganh yaac maiv ei Ziouv nyei waac. Tin-Hungh guangc mbuo nyei zuiz, mbuo yaac guangc bun mienh.
3. Meih haih jaev sin, gorngv weic naaiv weic wuov meih cingx maiv haih guangc mienh zoux dorngc meih nyei. Cuotv liuz meih zien-zien zieqv duqv Tin-Hungh hnavv haaix nor guangc meih nyei zuiz, yaac zipv Ninh guangc meih nyei zuiz aqc duqv bun meih guangc mienh zoux dorngc meih nyei.
4. Bun Tin-Hungh dorh meih guangc mienh dorngc meih jiex daaih nyei sic, ih zanc nyei sic, dongh maiv gaengh cuotv daaih nyei sic yaac ginv guangc. Maiv guangc zuiz bun mienh za'gengh hoic ganh, maiv dan Ging-sou gorngv jienv mengh nyei hnavv, ih zanc zaah m'nqorngv famv nyei mienh gorngv fih hnavv nyei, sin maiv ziex nyungc hoic weic mienh qiex jiex, hnyouv im weic mienh zoux dorngc ninh mbuo. Zeix mbuo wuov dauh Tin-Hungh gorngv heuc mbuo guangc mienh zoux dorngc mbuo weic haih tengx mbuo benx wangc siangx nyei mienh, maaih wangc siangx nyei hnyouv.
5. Meih ganh oix zuqc ginv guangc mienh nyei zuiz weic maiv guangc hoic meih ganh. Mbuo oix zuqc guangc mienh zoux dorngc bun mbuo nyei, maiv gunv naaic laanh mienh liemh maiv nyiemc fai tov, weic zorqv Yesu ding ziepc nzangc jaax nyei mienh maiv tov mv baac Yesu guangc ninh mbuo nyei zuiz.
6. Guangc zuiz maiv zuqc sauv. Mienh dorngc meih oix zuqc mbuox ninh mbuo. (Matv[^]tai 18:15-21). Maiv dungx sauv meih nyei auv dorngc meih ba'ziex nzunc, maiv dungx sauv meih nyei nqox dorngc meih ba'ziex nzunc...ginv guangc ninh mbuo nyei zuiz. Sauv mienh dorngc nyei zoux maiv cuotv haaix nyungc, kungx hoic ganh hnavv.

Maiv gunv aqv ndongc haix mbuo oix zuqc ginv guangc, WEIC ZUQC MBUO DUQV TIN-HUNGH GUANGC MBUO NYEI ZUIZ MI' A QV. Weic mbuo zieqv duqv Tin-Hungh nyei en zingh, Ninh heuc mbuo guangc mbuo ziouc guangc mienh dorngec mbuo nyei. (Matv[^]tai 18:23-35). Ginv guangc mienh dorngec nyei se yietc nyungc jienv nyei ginv dongh yienc mbuo nyei maengc yietc liuz.

Da'luoqc nyungc ginv: Ginv bungx hnyouv Ziouv

Ging-sou yiem: Matv[^]tai 6:34 *Weic naaiv meih mbuo maiv dungx nzauh njang hnoi nyei sic. Njang hnoi nyei sic maaih gaux njang hnoi nzauh. Mouz hnoi maaih mouz hnoi nyei sic nzauh gaux aqv.*

Gorngv jiex gorn nyei waac:

Mbuo haih ginv bungx hnyouv Ziouv taux wuov ndangc nyei sic. Weic zuqc Yesu heuc mbuo, weic zuqc maiv maaih ganh nyungc fai ganh dauh aqv. Mbuo maiv maaih haaix laanh mienh jiex sin daaih hnamv gorngv yie ih hnoi maiv maaih gaux nzauh, oix hnamv taux njang hnoi nyei sic. Nzauh wuov joux waac, maaih eix leiz gorngv taux buangh zuqc hoic nyei sic, kouv naanc nyei. Mbuo mouz laanh mienh oix zuqc zieqv duqv yaac buac caux hngangv Yesu gorngv nor, mouz hnoi maaih mouz hnoi nyei sic nzauh gaux aqv. Mouz laanh mienh haih ziangh yiem jiex daaih nyei sic (a'hnoi), Ih zanc nyei sic (ih hnoi), fai hoz nqang nyei sic (njang hnoi). Ziangh yiem a'hnoi nyei mienh se hnamv nzuonx nyei mienh. Ziangh ih hnoi nyei mienh (hoqc yiem a'hnoi nyei sic, maiv nzauh njang hnoi nyei sic). Ziangh njang hnoi nyei mienh (**nzauh**) - fai maaih eix-leiz gorngv hopv jienv, gamh nziex - maiv maaih longx nyei sic haih hoic, zoux bun sic gauh hlo deix (2 Ti[^]mo[^]tai 1:7), kuonx hnyouv - anxiety - fai hnyouv bun nqoi, maiv dingc.

Ih hnoi yiem meiv guoqv deic bung maaih baeqc fingx camv gamh nziex caux nzauh taux nga'haav hingv nyei sic. Ninh mbuo nzauh caux gamh nziex taux zinh nyanh nyei jauv, sa'eix ndortv nyei jauv, janx waic daaih hoic deic bung, yiem mbuo nyei saengh maaih waic sic camv jienv faux, baengc nyei jauv, taux ngaa'haav hingh nyei jauv gengh zoux bun baeqc fingx ginv dorngec zoux dorngec. Sienx Giduc nyei mienh se gorngv hngangv naaiv nor nzauh caux gamh nziex haih zoux bun mbuo piatv Ziouv nyei fuqv weic zuqc mbuo ginv fai zoux nyei ei buac fai cuotv daaih nyei sic, ei zinh nyanh nyei jauv, maiv zeiz ei Ziouv nyei waac. Ih hnoi mbuo oix hoqc bungz hnyouv Ziouv, ei Ziouv nyei waac yiem mbuo nyei maengc.

Yiem Matv[^]tai 6 zang, Yesu mengh nyei njaux taux gorngv ziangh weic baamh gen nyei ga'naaiv se maiv lamh longc, fai benx hngongx nyei mauv. Ga'naaiv maiv yietc liuz yiem, nzueic nyei ndie mv bacc mbiauh loc haih ngatc waic, hlieqv nyei ga'naaiv yaac haih jiex nzingx, zinh nyaanh yaac haih zuqc janx zaqv nimc nyei, mv baac longc zoux Ziouv nyei gongc nyei zinh nyaanh yietc liuz siou yiem Tin-dorngh. Mbuo hngangv haaix nor longc mbuo nyei zinh nyaanh biux mengh mbuo nyei hnyouv yiem haix.

Mbuo laanh laanh mienh zieqv duqv gorngv, nzauh, faix hnyouv, fai kuonx hnyouv taux seix zangc nyei jauv se zanc-zanc daaih seix mbuo fai mbuo laanh laanh duqv buangh nyei. Meiv guoqv se yietc norm butv zoih deic bung, kuv-yiem kuv-ziangh, njien-youh nyei deic bung mv baac buangv nzengc mienh nzauh mienh, mienh kuonx hnyouv taux seix zangc nyei jauv...Mienh nyei waac zoqc nyei...nzauh wuov joux waac maaih ziex nyungc eix-leiz...Maaih longx nyei nzauh weic korh lienh-tengx mienh nzauh se horpc nyei hngangv Ne[^]haa[^]mi nor nzauh weic zuqc Tin-Hungh nyei mienh zuqc mienh danh, nyaev kouy...Maaih waic nyei nzauh, nzauh weic njang hnoi nyei sic, gamh nziex taux nga'haav hingv, se benx zuiz. Weic maiv bungx hnyouv Ziouv caux doix-dekc ging-sou njaux nyei jauv.

Yesu hatc mbuo maiv dungx nzauh...kuonx hnyouv....weic Yesu hiuv duqv baamh mienh zanc-zanc nzauh nyei cingx mbuox mbuo maiv dungx nzauh. Matv[^]tai 6:25, Yesu gorngv, “Weic naaiv yie gorngv mbuox meih mbuo, maiv dungx weic yungz maengc nyei nyanc hopv kuonx hnyouv. Yaac maiv dungx weic sin zaangc nyei lui-houx kuonx hnyouv. Maengc gauh jaaix jiex nyanc hopv maiv zeiz? Sin yaac gauh jaaix jiex lui-houx maiv zeiz? Maiv dungx wuov joux waac maaih eix-leiz gorngv, maiv dungx jiex gorn...fai nzauh jienv mingh taux haaix nyungc. Weic hngangv naaiv nor kuonx hnyouv se dorngc Ziouv nyei waac. Senx Tin-Hungh nyei mienh meih se benx ninh nyei namh nyouz, maaih eix-leiz gorngv meih maaih Tin-dorngc Diex. Mv baac meih zoux sic hngangv meih maiv maaih, weic meih nzauh taux njang hnoi nyei nyanc nyei fai zuqv nyei...se zoux sic hngangv maiv sienx nyei mienh nor (Matv[^]tai 6:31-32).

Hnamv mangc gaax, Sienx Yesu nyei mienh sienx gorngv Tin-Hungh haih njoux ninh mbuo...haih bun yietc liuz nyei maengc...mv baac maiv bungx hnyouv Tin-Hungh haih goux ninh mbuo...Naaiv se maiv zeiz jauv...

Gorngv mengh caux muonc Ging-sou:

A. Weic haaix nyungc mienh nzauh taux nqa'haav hingv nyei sic.

1. Mbuo Nzauh weic “mbuo maiv haih bungx hnyouv Tin-Hungh” Mienh nzauh taux nqa'haav hingh nyei jauv weic ninh mbuo maiv sienx Ziouv nyei waac. Nzauh se mangc maiv jiex Tin-Hungh.
2. Tin-Hungh maiv zeiz zeix mbuo daaih bun mbuo nzauh. Nzauh nyei sic se doix dekc taux Ninh nyei mouz deic bun mbuo nyei maengc. Hngangv zorqv wuom an cie tongv se maiv zeiz jauv. Nzauh hoic baamh mienh nyei maengc, weic hnyouv nqoi fai maiv dingc. Mbuo maiv horpc zuqc gamh nziex...se gorngv mbuo ziangh hnoi jiex hnoi.
3. Mbuo nzauh fai gamh nziex dongh mbuo maiv haih gunv maiv duqv nyei sic. (*Meih mbuo haaix dauh laaix kuonx hnyouv haih borqv duqv maengc ndaav deix? Matv[^]tai 6:27*). Yiem naaiv seix zangc maaih camv nyungc dongh mbuo maiv haih gunv maiv duqv, fai maiv haih yienc, maiv haih tengx, maiv haih zoux. Mbuo maiv bungx hnyouv Ziouv se weic maiv hiuv duqv Ziouv ndongc haaix longx, ninh hngangv haaix nor goux jienv mbuo norm norm ziangh hoc. Mienh gamh nziex weic hnamv taux maiv haih gunv nyei, gamh nziex fai nzauh hoic mbuo maiv haih zoux horpc zuqc zoux nyei. (maaih

camv nyungc dongh mbuo maiv haih gunv: **1. mbuo buangh zuqc baengc nyei sic...** haih sorngx qaqv haih goux jienv ganh nyanc nyei mv baac nyungc baac baengc haih hoic mbuo nyei. **2. Hmuangv doic nyei sic-auv fai fu'jueiv.** Mbuo haih zoux longx gor bun mbuo nyei auv fai nqox, dorh longx gor fu'jueiv mv baac ninh mbuo haih ginv hoic mbuo. Mbuo maiv haih gunv ninh mbuo ginv zoux nyei . Ih hnoi mbuo haih ginv hnamv mbuo nyei hmuangv doic, guangc ninh mbuo zoux dorngc nyei, haih fu-sux ninh mbuo. Mv baac maiv dungx nzauh. **3. Zinh nyanh nyei jauv.** Yie haih ndortv gong, haih maaih baengc zoux maiv duqv gong...nzauh maiv maaih mienh goux, maiv maaih nyanc...nzauh taux naaiv deix jauv zoux bun mbuo maiv haih ziangh buangh ih hnoi horpc zuqc ziangh nyei. Mbuo horpc zuqc siou, horpc zuqc zoux, horpc zuqc hoqc, horpc zuqc liuz leiz taux njang hnoi nyei mv baac maiv horpc zuqc nzauh. **4. Lungh ndiev cuotv daaih nyei sic.** Zuiz camv jienv faux, deix bung maaih waic camv jienv mingh. Mienh zoux zuiz damv hlo jienv faux...nzauh taux njang hnoi nyei sic nyei fai. Nzauh maiv haih tengx yienc haaix nyungc. Mbuo maiv haih yienc mienh zoux nyei, mienh ginv nyei. Mv baac mbuo haih ginv bungx hnyouv Ziouv. **5. Mbuo maiv haih gunv mbuo zoux gong nyei dorngx fai yiem nyei langx zong dorngx.** Maiv gunv mbuo zoux nyei gong maiv zeiz dongh mbuo za'gengh oix nyei fai, yiem nyei dorngx maiv zeix dongh mbuo za'gengh oix yiem nyei, maiv zeiz nyungc-nyungc buangh hnyouv mv baac mbuo haih ginv bungx hnyouv Ziouv yaac zoux njang yiem mbuo yiem yiem nyei dorngx.

4. Mbuo gamh nziex caux nzauh taux dongh maiv gaengh cuotv nyei (Yesu gorngv, "*Weic naaiv meih mbuo maiv dungx nzauh njang hnoi nyei sic. Njang hnoi nyei sic maaih gaux njang hnoi nzauh. Mouz hnoi maaih mouz hnoi nyei sic nzauh gaux aqv. Matv[^]tai 6:34*). Se gorngv meih nzauh, kuonx hnyouv taux nqa'haav hingv, meih ginv bun meih buangh nyei sic gunv meih maiv bun Tin-Hung hnye nyei waac gunv.
5. Mbuo gamh nziex caux nzauh taux mbuo buac cuotv daaih nyei sic yiem mbuo nyei maengc fai lungh ndiev (deic bung mborqv jaax, zinh nyaanh ndortv, lungh ndiev waic,, ga'naaiv jaaix, janx waic bieqc deic bung hoic, janx zaqc) naaiv deix cuotv daaih nyei jauv yaac haih zoux bun mienh nzauh fai gamh nziex taux ga'haav hingh nyei jauv se gorngv mbuo maiv zunh dingc hnyouv mangc jienv Ziouv.

B. Gamh nziex caux nzauh taux ga'haav hingv nyei jaa zinh.

1. Gamh nziex caux nzauh taux ga'haav hingv zoux bun kuonx hnyouv, kuonx hnyouv zoux bun sin maaih baengc, baengc hoic mienh...maaih mienh laix gamh nziex fai nzauh gor ziouc daic yaac maaih nyei.
2. Gamh nziex caux nzauh taux ga'haav hingv zoux bun ginv dorngc fai zoux dorngc sic fai bieqc hnyouv dorngc. Yesu oix mbuo bieqc hnyouv gorngv se gorngv mbuo sienx gorngv Yesu haih njoux mbuo ninh yaac haih goux mbuo...Haaix zanc meih nzauh nor gunv hnamv taux Ziouv nyei waac...Ninh yietc liuz maiv guangc mbuo.

3. Gamh nziex caux nzauh dangv jienv mbuo maiv haih zoux dongh Tin-Hungh oix mbuo zoux nyei. Nzauh se zorqv nzengc mbuo nyei qaqv. Se gorngv Tin-Hungh nyei heuc mbuo maiv dungx nzauh (Fi[^]lipv[^]poi 4:6) maaih eix leiz gorngv muangx nor gengh duqv fuqv, maiv muangx za'gengh zuqc hoic. Ninh nyei waac se bun mbuo duqv longx. Mv baac se gorngv haaix laanh mienh gin v.
4. Gamh nziex caux nzauh taux ga'haav hingv bun mbuo haih piatv Tin-Hungh nyei fuqv, weic zuqc nzauh taux zinh nyaanh nyei javv, maaih nyei mbuo njapv maiv bun Tin-Hungh, mbuo maiv zuangx camv...ziouc maiv duqv siou hnavg ging-sou gorngv nor, "*Haaix dauh zuangx zoqc ziouc siou duqv zoqc. Haaix dauh zuangx camv ziouc siou duqv camv. 7 Mouz dauh oix zuqc bun ziux ganh nyei hnyouv dingc oix bun nyei. Bun yaac oix zuqc buangv hnyouv, maiv dungx korv-fiqv, weic zuqc Tin-Hungh hnamv nyei se ngoi eix bun nyei mienh. 8 Tin-Hungh haih ceix nyungc-nyungc en camv-camv nyei bun meih mbuo. Meih mbuo ziouc zanc-zanc maaih gaux, zungv maaih camv weic zoux nyungc-nyungc kuv sic*" (2 Ko[^]lin[^]to 9:6-8)
5. Gamh nziex caux nzauh taux ga'haav hingv zoux bun mbuo maiv siou jaaix nyei ga'naaiv yiem wuov Tin-dorngh, mbuo siou jaaix nyei ga'naaiv yiem naaiv baamh gen, yaac bungx hnyouv mbuo nyei ga'naaiv, bangc ga'naaiv, maiv bangc Tin-Hungh maiv bungx hnyouv Tin-Hungh.
6. Gaamh nziex caux nzauh nyei javv maaih zix nyungc hoic sin zangc. Ndie sai mienh gorngv nzauh zoux bun mienh qiex beqc, qiex jiex, bueix maiv njormh, m'ngorngv mun, jang nyei jan mun, maaih nziamv hlang baengc, zoux hnyouv tiux siepv, ga'sie mun, jangh tatv. Nzauh yaac zoux bun mborqv baengc nyei qaqv mau, gauh butv baengc. Zorngh zengx cing yiem ndie biauv. Yiem mbuo nyei mungv, mangc gaax maaic ndie nyei biauv ndongc haaix camv...mienh nyanc ndie ndongc haaix camv. Janx waac heuc "Drugstore" (Janx bun nyei ndie...valium, halcyon, Prozac, buspar, ativan, centrex...zoqc-zoqc maaih 30 nyungc nzauh nyei ndie fai jaev nzauh nyei ndie dongh ndie sai bun mienh nyanc. Ndongc haaix zungv maaih ganh nyungc tengx cuotv liuz naaiv deix ndie...ndie maiv haih zorc...ndie haih zoux bun meih hngongx taux nzauh nyei hnavg.

C. Zorc nyei ndie bun mbuo haih maiv gamh nziex, maiv nzauh taux ga'haav hingv.

1. Maaih sienx fim yiem Ziouv bun mbuo haih hingh jiex nzauh fai gamh nziex taux ga'haav hingv nyei sic. Maaih hnyouv hiuv duqv Ziouv hnamv mbuo (*Tin-Hungh hnamv mbuo, mbuo ziouc maiv gamh nziex haaix nyungc. Tin-Hungh hnamv mbuo taux daauh, gamh nziex nyei javv ziouc cuotv nzengc mi'aqv, weic zuqc gamh nziex nyei javv se gamh nziex oix zuqc dingc zuiz. Hnavg naaic, haaix dauh gamh nziex, wuov dauh corc maiv gaengh hiuv Tin-Hungh hnamv ninh taux daauh. 1 Yo[^]han 4:18*) Mangc Matv[^]tai 8:23-25 mbuo buac duqv cing nyei taux sienx fim caux cai nyei hnyouv
2. Yesu gorngv mbuo haih hingh jiex gamh nziex fai nzauh taux ga'haav hingv se gorngv mbuo bun Tin-Hungh zoux Ziouv gunv meih mbuo ndaangc, yaac oix zuqc ei nzengc

ninh nyei eix (Matv[^]tai 6:33). Hnangv haaix nor bun Ziouv gunv, fai bun Ziouv zoux da'yietv yiem mbuo nyei maengc? Ziangh ei Ziouv nyei za'eix , ginv bungz hnyouv Ziouv, yiem manc sic daux gaux (1 Te[^]saa[^]lo[^]ni[^]gaa 5:17-18 , bungx nzengc hnyouv Tin-Hungh yiem maiv gaengh cuotv nyei sic.).

3. Maaiah hnyouv zieqv duqv gorngv Tin-Hungh se zoux mbuo nyei ndauh kaux dorngx, maiv bun maaiah haaix nyungc sic cuotv daaih yiem ga'haav hingv nyei ziangh hoc. (Singx Nzung 46:1-3 *Tin-Hungh zoux yie mbuo ndaauh kaux nyei dorngx yaac zoux yie mbuo nyei qaqv. Yie mbuo haaix zanc buangh zuqc kouv naanc ninh yaac tengx. Weic naaiv, yie mbuo maiv gamh nziex maiv gunv lungv ndiev goiv yienc, mbong yaac dongz, ndortv njiec taux koiv-ndoqv, maiv gunv wuom jiez laangc njunh njunh zoz-zoz nyei, zungv ndanc zuqc mbong dongz.*)
4. Yesu gorngv, “ *Weic naaiv meih mbuo maiv dungx nzauh njang hnoi nyei sic. Njang hnoi nyei sic maaiah gaux njang hnoi nzauh. Mouz hnoi maaiah mouz hnoi nyei sic nzauh gaux aqv.*” (Matv[^]tai 6:34). Ninh gorngv nyei waac se yietc hnoi oix zuqc ziangh yietc hnoi nyei, goux longx ih hnoi nyei ziangh hoc, longc horpc ziangh hoc...Tin-Hungh goux jienv njang hnoi nyei sic nyei hnangv ninh goux lomc zangc nyei ga'naaiv nor. Ninh hiuv mbuo mbuo qiemx zuqc nyei hnangv ninh hiuv duqv saengh kuv qiemx nyei, mbuo corc gauh jaaix jiax saengh kuv...Mbenc taux njang hnoi se longx nyei, nzauh taux njang hnoi se zuiz weic zuqc maiv bungx Tin-Hungh.

Ginv Ei Ging-Sou Nyei Eix-Leiz:

1. Dorh mbuo nyei youh nzauh mingh mbuox Ziouv...maiv dungx siou fai an jienv hnyouv hoic ganh. Ginv bungx hnyouv Ziouv. Bungx hnyouv Ziouv se ndie nzauh. Jaa bungx hnyouv jaa haih longx...(Mangc Matv[^]tai 6:25-34)
2. Weic baamh mienh hanc oix duqv nyei caux mauv nyei zoux bun ninh mbuo nzauh taux gamh nziex taux ga'haav hingv nyei sic. Hnangv sin qiemx zuqc nyanc, lingh wuonh yaac qiemx zuqc hnyangx, longc Tin-Hungh nyei waac uix mbuo nyei lingh wuonh, (Matv[^]tai 4:4; 1 Bide 3:4) Mbuo oix zuqc hopv wuom, mbuo yaac horpc zuqc hopv yungz lingh wuonh nyei wuom dongh Ziouv Yesu bun nyei (Yo[^]han 4:13-14; 7:37-39). Tov Ziouv bun mbuo maiv dungx zoux dorngc fai piatv ninh nyei fuqv weic mbuo laic duqv zinh nyanh haih tengx duqv mbuo, fai ginv zoux fai maiv zoux weic zinh nyanh nyei jauv...mangc Lotv nyei maengc zoux nyungc zeiv gorngv taux ginv weic zinh nyanh nyei jauv...ninh ginv mingh nitv fatv zuiz nyei dorngx weic haih duqv zinh nyanh, setv mueic zuqc yiem mbaengc kotv, zoux orqv, zoux zuiz weic ninh maiv bun Tin-Hungh zoux da'yietv yiem ninh nyei maengc, ninh ginv yiem nyei dorngx, dorh ninh nyei hmuangv doic mingh zuqc hoic.
3. Baulo gorngv, *Maiv dungx weic haaix nyungc gaaax hnyouv. Oix zuqc weic nyungc-nyungc sic daux gaux jouh Tin-Hungh, laengz zingh Tin-Hungh, ei meih mbuo qiemx longc nyei tov ninh tengx. Tin-Hungh nyei baengh orn, dongh baamh mienh zungv hnamv*

maiv zaac nyei baengh orn, ziouc beu jienv meih mbuo nyei hnyouv caux hnamv nyei jauv, weic zuqc meih mbuo caux Giduc Yesu juangc maengc ziangh.” (Fi^lipv^poi4:6-7).

4. Mbuo haih hingh maiv gamh nziex fai nzauh taux ga’haav hingv weic mbuo bun Ziouv gunv mbuo, yaac ei jienv ninh nyei za’eix zoux. (Matv^tai 6:33) Tin-Hungh puix duqv zoux da’yietv yiem mbuo nyei maengc weic zuqc zeix nyungc nyungc yaac bun nyungc nyungc maaih maengc ziangh jien.
5. Weic haaix nyungc Tin-Hungh nyei naamh nyuoz sienx gorngv ninh mbuo nyei Ziouv zeix nyungc-nyungc daaih, goux jienv nyungc-nyungc, nyungc-nyungc yiem ninh nyei buoz ndiev gamh nziex caux nzauh taux ga’haav hingv nyei sic? Maiv horpc zuqc gamh nziex fai nzauh.
6. Maaih haaix nyungc aqv duqv bun meih bungx hnyouv Ziouv...ginv bungx hnyouv...meih ganh maiv haih ndam maiv hingh.

Da’cietv nyungc ginv: Ginv hnamv ganh nyei hmuangv doic

Ging-sou yiem: Matv^tai 6:19-21

Gorngv jiex gorn nyei waac: Yiem naaiv norm jienv nyei ginv se benx *ginv zoux dongh jienv nyei yiem maengc*. Haaix nyungc jienv bun mbuo, mbuo maaih ziangh hoc zoux wuov nyungc. Mbuo haih ginv duqv zuqc weic mbuo hiuv duqv haaix nyungc jienv haaix nyungc maiv jienv yiem maengc. Mbuo haih ginv zoux dongh jienv nyei ndangc, maiv jienv nyei nqa’haav. Mbuo oix zuqc naaic gaax ganh, haaix nyungc jienv bun yie nyei maengc? Jiex daaih wuov deix juqv nyungc jienv nyei ginv se njaaux taux mbuo caux Tin-Hungh nyei jiu tong caux mbuo nyei hnyouv fai gu’nyuoz nyei sic. Da’cietv nyungc ginv - ginv hnamv ganh nyei hmuangv doic se weic zuqc mbuo zieqv duqv hmuangv doic se jienv fai jaaix yiem naaiv norm seix zangc. Maiv maaih haaix nyungc ndongc ninh mbuo jienv yiem naaiv norm baamh gen. Meih nyei maengc haih zoux duqv zix nyungc, haih siou duqv zix nyungc, maaih zix nyungc mv baac taux setv mueiz meih maiv maaih meih nyei hmuangv doic nor, maaih haaix nyungc eix-leiz bun meih? Duqv nzengc lung hndiev mv baac ndortv hmuangv doic maaih haaix nyungc eix-leiz? Nyungc-nyungc se maiv maaih yietc liuz nyei zic zinh. Mbuo nyei hmuangv doic, dongh sienx Yesu Giduc wuov deix, haih duqv caux mbuo yietc liuz yiem naaiv baamh gen caux Tin-dorng.

Ginv zuqc fai dorngc, fai nqaengc nyei ginv dongh mienh haih mangc duqv buatc nyei, se jienv nyei. Mbuo maaih njien-youh jiez fai maaih nzauh jiez se weic mbuo nyei hmuangv doic. Hmuangv doic se jienv haic nyei yietc nyungc ginv bun baamh mienh. Ginv duqv horpc se duqv maaih orn lorqc camv yiem naaiv seix zangc. Ginv dorngc se maaih hoic camv yiem naaiv seix zangc. Mbuo mouz laanh mienh haih ginv nyei...ginv hnamv hmuangv doic se benx yietc nyungc ginv dongh yienc mbuo nyei maengc yietc liuz.

Gorngv mengh caux muonc Ging-sou:

A. Meih nyei jienv caux yie nyei jienv maiv fih hngangv!

1. Doic-doic mienh maaiah ninh mbuo ganh nyei jienv; dauh-dauh mienh haih ginv bun "haaix nyungc jienv" yiem ninh mbuo nyei maengc. Butv zoih mienh, jomc nyei mienh, guaai nyei mienh, hngongx nyei mienh, maiv gunv haaix nzangh, haaix fingx, haaix nyungc mienh. Mbuo maaiah ziangh hoc bun dongh jienv bun mbuo nyei.
2. Yesu gorngv taux butv-zoih hngongx nyei mienh nyei waac beiv, "*Haaix dauh kungx oix siou jienv ga'naaiv camv liouh ninh ganh longc, se hngangv wuov dauh butv zoih nyei mienh hngongx mienh nor. Ei Tin-Hungh mangc, ninh se mienh jomc mienh*" (Lugaa 12:21). Hngongx nyei mienh siou ga'naaiv yiem baamh gen, guaai nyei mienh siou yiem Tin-dorng. Ninh mbuo nyei jienv maiv fih hngangv.
3. Cong-mengh 4:26 "*Oix zuqc bun meih nyei zaux yangh nyei jauv yuonh*", fai "*longx-longx nyei hnamv taux meih yangh nyei jauv*". Maaiah eix-leiz gorngv oix zuqc hnamv taux ganh nyei maengc, hnamv taux meih ginv nyei, hnamv taux haaix nyungc jienv bun meih. Meih ginv nyei dorh meih mingh haaix? Dingc hnyouv gorngv haaix nyungc jienv bun meih; liuz, zuov taux zuqc ginv nyei ziangh hoc ziouc haih ginv duqv horpc.
4. Mbuo haih buatac *Yo^su^waa nyei jienv* cing nyei yiem *Yo^su^waa 24:15* "*Se gorngv meih mbuo maiv buangv hnyouv fu-sux Ziouv, ih hnoi meih mbuo oix zuqc ginv meih mbuo oix fu-sux haaix dauh. Oix fu-sux meih mbuo nyei ong-taaix-ngaeqv yiem Yu^fe^ditc Ndaaih dong bung maengx wuov deix zienh fai Aa^mo^lai Mienh nyei zienh, dongh meih mbuo ih zanc yiem jienv naaiv norm deic-bung nyei zienh fai? Mv baac yie ganh caux yie nyei biauuv zong mienh aeqv, yie mbuo oix fu-sux Ziouv.*
5. Maiv zeix laanh laanh mienh maaiah dingc ziangx nyei jienv. Se gorngv mbuo maiv dingc ziangx mbuo nyei jienv, mbuo zuqc ginv nyei ziangh hoc maiv haih ginv duqv horpc. Mienh maiv maaiah dingc ziangx nyei jienv nor, taux buangh oix zuqc gunv nyei ziangh hoc ziouc maiv hiuv duqv haaix nyungc jienv fai maiv jienv. Maaiah mienh gorngv ninh mbuo maiv maaiah ziangh hoc hnamv taux haaix nyungc jienv maiv jienv. Maaiah mienh gorngv ninh mbuo ginv fai zoux nyei nyungc-nyungc jienv, maaiah mienh nzauh jienv gorngv se gorngv hiuv duqv haaix nyungc jienv fai maiv jienv liuz nor zoux maiv haih liemh zeih oix zoux nyei ziouc zoux. Maaiah mienh maiv gunv taux jienv nyei yiem maengc...hnoi jiex hnoi la'guaih ziangh la'guaih yiem...hnoi jiex hnoi...ziangh hoc maiv jaaix bun ninh mbuo.

B. Meih nyei hmuangv doic nyei jaax-zinh.

1. Yiem yie mbuo nyei biauuv, bieqc gaengh ndangc maaiah yie mbuo *hmuangv doic nyei lingc fai leiz* - fih hngangv nyei, naaiv deix biauuv zong leiz yaac benx

hmuangv doic nyei "jienv". Naaiv deix lingc, leiz, fai jienv - se yiem Ging-sou zorqv cuotv daaih weic goux jienv hmuangv doic, weic bun hmuangv doic hiuv duqv ninh mbuo nyei mouz deic, oix zuqc hnavg haaix nor ziangh, haaix nyungc se jienv caux jaaix bun naaiv norm hmuangv doic.

2. Mouz laanh mienh yiem buonh deic hmuangv doic oix zuqc ginv Ziouv nyei jienv bun taux ninh mbuo ganh nyei maengc yaac ei jienv Ziouv nyei lingc caux leiz yiem yie mbuo nyei biau.
3. Hmuangv doic nyei jaax-zinh **da'yietv nyungc jienv** se: mouz laanh mienh hnamv Tin-Hungh (Nzamec leiz latc 6:5) se benx da'yietv jienv jiex wuov diuh lingc. Se gorngv Tin-Hungh maiv zeiz jienv jiex yiem laanh laanh hmuangv doic nyei maengc, hmuangv doic maiv haih maaih horpc fim dongh eix, fai orn lorqc...oix zuqc caux Zangc Diex horpc cing haih caux hmuangv doic horpc (mbuo caux Tin-Hungh nyei jiu tong).
4. **Da'nyeic nyungc nyei jienv** se: "hmuangv doic". Cuotv liuz Tin-Hungh hmuangv doic jienv jiex. Laanh oix zuqc hnamv laanh, laanh fu-sux laanh, laanh goux laanh, laanh tengx laanh, laanh orn laanh, laanh ziepc zuoqv bun laanh. Taux mbuo duqv buangh Yesu nyei ziangh hoc, da'nyeic jienv jiex nyei lingc se "hnamv mienh" ~ hmuangv doic se fatv jiex nyei mienh.
5. **Da'faam nyungc jienv:** nyungc-nyungc zoux nyei bun Tin-Hungh nyei mbuox duqv njang-laangc. Longc hnyouv zoux nyungc-nyungc, longc nzengc za'eix zoux nyungc-nyungc dongh mbuo haih nyei. Maaih eix-leiz gorngv oix zuqc jienh zoux gong maiv dungx lueic.
6. **Da'feix nyungc:** ginv ndamh dornng ganh zoux nyei, zoux dornngc oix zuqc nyiemc, oix zuqc tov, oix zuqc guangc. Se gorngv tov ziouc duqv mienh guangc, ngaengc zuqc dingc. Maaih camv nyei gorngv taux zoux nyei sic, duqv nyei fuqv, donv nyei waac, caux orn nyei waac weic zuqc hmuangv doic nyei jaax-zinh, hmuangv doic nyei jienv.
7. Yie mbuo nyei hmuangv doic nyei jienv se Tin-Hungh, hmuangv-doic, mienh. Maiv gunv aqc, mv baac oix zuqc ei jienv mbuo dingc nyei jienv zoux.
8. Se gorngv hmuangv doic maiv maaih mouz deic, maiv maaih "jienv", Tin-Hungh caux Ging-sou maiv jienv bun hmuangv doic.

C. Meih nyei laengc ngaengc waac bun meih nyei hmuangv doic:

1. Ginv hnamv hmuangv doic se benx yietc nyungc jienv nyei ginv. Cuotv liuz Tin-Hungh, hmuangv doic se benx nduqc nyungc dongh mbuo haih maaih yietc liuz, yaac yietc liuz caux mbuo yiem.
2. Dornng jaa caux hmuangv doic se Tin-Hungh nyei za'eix. Se gorngv dornng jaa caux hmuangv doic ei jienv Ziouv nyei waac za'gengh bun Ninh nyei mbuox duqv njang-laangc weic mbuo ei jienv ninh zeix nyei mouz deic ziangh.

3. Ging-sou heuc mbuo oix zuqc goux, oix zuqc ceix hmuangv doic, oix zuqc maiv dungx zoux dornge jienv Ziouv mingh. Oix zuqc dornge jaa ei Ziouv zeix daaih nyei mouz deic.
4. Mbuo haih piatv camv nyungc yiem maengc, yiem mbuo zoux nyei, ziangh nyei, mv baac tov Tin-Hungh tengx jienv mbuo bun mbuo maiv dungx piatv mbuo nyei laengz ngaengc waac bun mbuo nyei hmuangv doic.
5. Se gorngv mbuo piatv, weic maaih laanh hmuangv doic fai yietc zungv ginv maiv muangx Tin-Hungh nyei waac, mv baac ganh nyei maengc oix zuqc ginv taaih Ziouv...Ninh nyei en gaux bun mbuo, mbuo oix zuqc zoux nyungc-nyungc dongh Ziouv heuc mbuo zoux nyei. **Mbuo maiv haih dorh Ziouv nyei en daaih jaev mbuo zoux nyei zuiz...**Hnangv Lomaa 6:1-2 gorngv nor, *“Wuov nyungc, mbuo oix zuqc hnangv haaix nor gorngv? Mbuo corc oix zuqc baamz jienv zuiz mingh Tin-Hungh cingx daaih haih ceix en camv jienv faaux fai? 2 Zungv maiv zeiz! Ei zoux zuiz nyei jauv mbuo zungv daic mi'aqv. Wuov nyungc mbuo hnangv haaix nor haih zoux jienv zuiz mingh.”*
6. Se gorngv meih maaih hmuangv doic, meih maaih jaaix jiex nyei zinh zoih yiem naaiv norm seix zangc. Meih haih duqv nzengc lungh ndiev nyei nyungc-nyungc mv baac se gorngv meih ndortv hmuangv doic se maaih haaix nyungc eix-leiz bun meih? Mv baac se gorngv meih ndortv nzengc nyungc-nyungc mv baac maaih hmuangv doic...dongh meih qiex dangx nyei ziangh hoc...meih za'gengh butv zoih! Butv hnamv nyei zoih, a'hneiv nyei zoih, maengc nyei zoih.
7. **Yiem naaiv lungh ndiev maaih i nyungc dongh yiem Tin-dorngh. Da'yietc nyungc se Tin-Hungh nyei waac (Lugaa 21:33 "Lungh ndau oix jiex nzengc mv baac yie nyei waac yietc liuz maiv jiex"). Da'nyeic nyungc se sienx Tin-Hungh nyei mienh. Naaiv deix i nyungc dongh haih yietc liuz yiem. Weic naaiv siou jaaix nyei ga'naaiv yiem Tin-dorngh (Matv[^]tai 6:20-21). Haaix nyungc jaaix fai jienv bun meih, meih nyei hnyouv hnamv wuov nyungc.** Meih mbuo a'hneiv fu'jueiv gan longx Tin-Hungh fai a'hneiv fu'jueiv maaih mengh dauh, duqv gong longx, mv baac leih Tin-Hungh? **Meih zieqv duqv gorngv meih nyei hmuangv doic se jaaix jiex dongh baamh mienh haih maaih nyei fai?**
8. Se gorngv mbuo hiuv duqv mbuo nyei jienv...mbuo ziouc hiuv duqv mbuo maaih nyei ziangh hoc, mbuo haih ginv zoux dongh jienv nyei mingh taux maiv jienv nyei yiem maengc. Mbuo maaih ziangh hoc bun fai zoux dongh jienv bun mbuo nyei maengc. Se gorngv hmuangv doic jienv ziouc maaih ziangh hoc bun hmuangv doic.

D. Meih haih gorngv nyei waac bun hmuangv doic:

1. Mbuo oix zuqc gorngv mbuox dongh jienv bun mbuo nyei mienh taux mbuo nyei hnyouv, mbuo laengz nyei, mbuo ginv nyei, caux mbuo nyei mouz deic.

2. Yietc doic mienh haih jiex gorn siang ceix ninh mbuo nyei hmuangv doic, haih yienc dongh jiex daaih dorngc nyei. Haih ginv liepc ngaengc waac caux ganh nyei hmuangv doic...
 - a. **Hnamv meih nyei hmuangv doic weic benx ziepc zuoqv nyei Giduc mienh.** Se gorngv meih maiv ziepc zuoqv fu-sux Tin-Hungh aqc duqv bun meih haih ziepc zuoqv bun hmuangv doic (Matv[^]tai 10:37).
 - b. **Hnamv meih nyei hmuangv doic yiem meih ceix nyei fai gomv nyei** (Lugaa 14:28 "*Se gorngv meih mbuo maaih dauh oix gomv norm biauv, ninh maiv zeiz jaa-ndaangc zueiz jienv funx mangc gaax nyaanh gaux zoux duqv ziangx fai maiv ziangx?*"). Meih oix zuqc siev oix zuqc kouv weic hmuangv doic. Oix zuqc funx meih zoux nyei, ginv nyei hnavg haaix nor tengx hnavg haaix nor hoic meih nyei hmuangv doic.
 - c. **Hnamv meih nyei hmuangv doic weic ziangh seix taux nzuonx seix hnavg Baulo gorngv nor tiux taux dorngx, zoux ziangx.** "*Ndouv saaix nyei mienh dauh dauh oix zuqc gunv ganh, hoqc ganh nyei sin henv, weic duqv norm ningv. Ningv yaac haih waaic nyei. Mv baac yie mbuo zoux weic duqv yietc liuz maiv haih waaic nyei ningv. 26 Weic naaiv yie tiux mingh maiv zeiz hnavg maiv maaih dingc ziangx nyei dorngx. Yie hnavg mborqv jaax, mv baac maiv zeiz hnavg mienh la'guaih longc buoz-juonh mborqv nziaaux. 27 Yie hoqc yie ganh nyei sin henv, bun ganh haih gunv duqv hingh ganh. Nzauh heix heuc mienh saaix tiux, nqa'haav yie ganh zuqc nqemh*" (1 Ko[^]lin[^]to 9:25-27). Hnavg saix tiux nor, maiv gunv jiex gorn hnavg haaix nor, mv baac ziangx se gauh jienv jiex gorn.
 - d. **Hnamv meih nyei hmuangv doic yiem meih siev nyei, diev nyei weic hmuangv doic.** Se gorngv meih oix meih nyei hmuangv doic taaih Tin-Hungh oix zuqc siev ganh nyei maengc, Mbuo maiv hiuv duqv orn lorqc se haaix nyungc cuotv liuz mbuo duqv buang kouv naanc.
3. Meih mbuo zoux zix nyungc biux mengh taux meih mbuo hmuangv doic se jienv caux jaaix mv baac meih mbuo yaac zuqc gorngv cuotv. Mbuo gorngv nyei waac haih tengx fai hoic hmuangv doic. **Mbuo qiemx duqv hmuangv doic orn** dongh mbuo piatv fai ndorpc nyei ziangh hoc, maiv zeiz guaix fai daanh. Dongh mienh daanh mbuo nyei ziangh hoc mbuo qiemx zuqc hmuangv doic bun mbuo hiuv duqv mbuo haih bangc duqv zuqc ninh mbuo.
4. Maaih camv nyungc nyei dongh hmuangv doic haih laanh gorngv mbuox laanh:
 - a. **“Yie hnamv meih”** nqox, auv, fu'jueiv...
 - b. **“Yie qiemx zuqc meih”** nzunc baav mbuo zoux nyei sic doix-dekc nyei... "yie oix meih hiuv duqv yie qiemx zuqc meih"...
 - c. **“Yie tov zuiz”** Yie zoux fai gorngv dorngc meih...
 - d. **“Maiv maaih haaix dauh hnavg meih”** Laengz zingh Tin-Hungh bun meih caux yie benx hmuangv doic... Meih se jaaix bun yie...

- e. “**Laengz zingh**”... weic zieqv duqv hmuangv doic nyei en-zingh...
- 5. Longc mbuo nyei nzuih gorngv waac biux mengh mbuo nyei hmuangv doic se jienv caux jaaix, longc ziangh hoc caux mbuo nyei hmuangv doic, bun zingh nyeic mbuo nyei hmuangv doic weic mbuo hnamv ninh mbuo... longc ziangh hoc zoux longx bun hmuangv doic.**

Ginv ei Ging-sou nyei leiz:

1. Haaix nyungc yiem meih nyei maengc dongh gauh jienv meih nyei hmuangv doic?
2. Meih nyei hmuangv doic hiuv duqv ninh mbuo jienv bun meih nyei fai? Meih zoux nyei biux mengh ninh mbuo jienv nyei fai?
3. Meih hhangv haaix nor mbaih meih nyei jienv/priorities?
4. Se gorngv meih nyei hmuangv doic zoux da'nyeic jienv cuotv liuz Tin-Hung h nor meih maaih haaix nyungc cuotv daaih?
5. Longc ziangh hoc hnamv, fu-sux meih nyei hmuangv doic.
6. Meih mbuo nyei biauv maaih lingc maaih leiz nyei fai?
7. Longc nzuih gorngv cuotv hnamv bun meih nyei hmuangv doic, longc zoux nyei sic yaac zoux cuotv hnamv nyei bun meih nyei hmuangv doic. (Hnamv maiv dan guangc ninh mbuo nyei zuiz, mv baac hnamv weic gorngv zien leiz taux ninh mbuo nyei maengc.)

Da'bietv nyungc ginv: Ginv benx zingx nyei mienh

Ging-sou yiem: Matv[^]tai 6:1-4

Gorngv jiex gorn nyei waac:

Yie oix naaic diuh waac meiv: “*Haaix nyungc dongh zoux nyei mienh maiv gorngv, oix longc nyei mienh maiv hiuv, hiuv nyei mienh maiv longc?*” Dau nyei waac se "jaav nyanh". Zoux jaav nyanh nyei mienh maiv doic ko[^]lo; longc nyei mienh maiv hiuv duqv naaic se jaav nyanh zuov taux goux nyanh lamz nyei mienh gorngv naaic se jaav nyanh; dongh hiuv duqv naaic benx jaav nyanh nyei mienh maiv doic longc weic zuqc benx zuiz. Weic naaiv, ginv zoux zingx fai zoux zien nyei mienh (authentic) se benx yietc nyungc jienv haic nyei ginv yiem mbuo nyei maengc. Weic maaih jaav yaac maaih maiv zingx nyei Giduc mienh. Yiem yie nyei maa caux dae mbuo nyei biauv maaih bunh biouv yiem nyanc hnaangx dieh. Biouv nzueic gor, maaih biouv yangh, biouv siqv, yaac maaih biouv maeng. Maaih muonz yie mbuo mingh ninh mbuo nyei biauv nyanc hnaangx, yie nyei sieqv hlo zorqv norm biouv daaih gorngv, “*Naaiv za'gengh hhangv gor zien biouv.*” Se gorngv maiv mangc longx nor, zorqv daaih nyanc nor nyaah haih ndutv nyei. Naaic deix jaav-biouv (pear, apple, grape) se hhangv gor zien nyei biouv. Mv baac maiv benx nyanc, aan jienv wuov dieh zoux nzueic hhangv. Maiv daan maaih jaav biouv hhangv, maaih jaav biangh, jaav miev - jaav nyei siauv maiv hingh. Mbuo maaih ziangh hoc zoux sic jaav, maiv zingx yiem mbuo sienx nyei. Mbuo nyei zien maengc caux mienh buac nyei maengc doix

diuc nyei fai? Yesu heuc naaiv nyungc jaav nyei mienh zoux "beih zangc hnyouv njuotv" nyei mienh, weic ninh mbuo sienx nyei caux zoux nyei maiv doix-diuc. Tin-Hungh maiv a'hneiv naaiv nyungc mienh. Zoux zingx fai zien nyei se doix-dekc taux jaav nyei maengc. **Mbuo nyei siqc jeiv nyei maengc caux mienh buatec nyei domh zuangx maengc oix zuqc doix diuc.** Naaiv nyungc yienc se mouz laanh mienh ganh oix zuqc ginv, yiem nyungc-nyungc. Haaix zanc mbuo nyei maengc maiv doix-diuc Ziouv nyei waac, maiv gunv zuangx mienh maiv hiuv duqv mbuo nyei siqc jeiv maengc, mbuo ganh hiuv nyei, oix zuqc ginv ziangh puix sienx Tin-Hungh nyei mienh. Weic naaiv Yesu heuc mbuo, "*oix zuqc faix fim. Tin-Hungh oix meih mbuo zoux nyei kuv sic maiv dungx dorngh zuangx zoux weic bun mienh buatec. Se gorngv meih mbuo dorngh zuangx zoux, meih mbuo maiv duqv zipv tin-dorngh Diex bun nyei zingh nyeic*" (Matv[^]tai 6:1).

Gorngv mengh caux muonc Ging-sou:

A. Ginv Benx Zingx fai Zien Nyei Giduc Mienh

1. Janx nyei waac heuc "authenticity" - maaiah eix-leiz gorngv zien [maiv zeix apv fai jaav]. Nyungc zeiv mbuo maiv zeiz daaih buoqc zangc fai daaih hoqc Ging-sou weic maiv jiex eix fai mienh apv mbuo ("*Yie nyei auv fai nqox fai fu'jueiv heuc yie daaih*"). Yie ganh ginv daaih, weic yie oix hoqc hiuv duqv yie nyei Ziouv. Mbuo ziangh nyei se weic Tin-Hungh - weic Ninh yiem hnyouv gu'nyouz mbuo cingx hhangv naaic. Mbuo ziepc zuoqv nyei.
2. Mbuo haiz jiex mienh gorngv zuqv nyei lui-houx, fai sai nyei hlang fai jorngx benx "*genuine leather*" nyei fai? Maaiah camv nyei mangc buatec hhangv gor mv baac maiv zeiz zien leather.
3. Naaiv joux waac nyei gorn se yiem zinh ndangc mienh zoux ongx nyei ziangh hoc. Zoux, fai maaic, nie-ongx mienh dongh **zingx** nyei mienh nor, gorngv mbuoux maaiz nyei mienh, "*Dorh ongx mingh bun nyutc ziux mangc maah.*" Mv baac *maiv zingx* nyei zoux ongx mienh buatec nie-ongx (clay pot) mbaaix nor, ninh mbuo longc mueiz nzing (beewax) nzatv jienv. Liuz, maaiz nyei mienh maiv hiuv naaic se ga'naaiv waac, weic zuqc mangc maiv buatec mbaaix nyei dorngh. Mv baac gaaai nyei mienh dorh daaih bun nyutc aengv mangc ziouc buatec mueiz nzing. Zingx wuov joux waac nyei gorn se gorngv "*maiv maaiah mueiz nzing*".
4. Zingx, fai zien nyei Giduc mienh, se haih bun mienh zaah mangc duqv nyei. Weic zuqc ninh mbuo nyei maengc doix-diuc nyei, maiv gunv yiem haaix (siqv jeiv maengc fai domh zuangx maengc se fih hhangv nyei) weic ninh mbuo taaih Tin-Hungh yaac taaih ninh nyei waac.
5. Benx zingx fai zien nyei mienh oix zuqc hiuv duqv gorngv ninh mbuo maiv haih zoux bun laanh laanh mienh horpc hnyouv. Yesu gorngv Faa[^]li[^]si mienh, "*Naaiv deix mienh longc nzuih taaih yie, mv baac ninh mbuo nyei hnyouv leih duqv yie go haic*" (Matv[^]tai 15:8). Yiem I[^]saa[^]yaa nyei ziangh hoc yaac fih hhangv nyei (I[^]saa[^]yaa 29:13). Ninh mbuo zoux sic hhangv ninh mbuo maaiah hnyouv gan Tin-Hungh mv baac Yesu mangc tong ninh mbuo nyei hnyouv. Yesu gorngv nyei

- se maiv zeiz dorngx mv baac hnyouv nyei mouz deic. Mienh buac meih nyei maengc, mv baac meih nyei maengc ziangh weic mienh fai weic Tin-Hungh?
6. Tin-Hungh nyei waac mengh nyei gorngv taux Ninh bun zingx nyei mienh fu-sux Ninh (Matv[^]tai 5:12, 46; Lugaa 6:38; 1 Ko[^]lin[^]to 3:14; 2 Ko[^]lin[^]to 5:10; 2 Ti[^]mo[^]tai 4:708; 1 Bide 5:4; Laauc Yaangh 2:10; 22:12).
 7. Yiem mbuo nyei jiu-bang mbuo bun fai fongc horqc, cuotv liuz sauv nyei mienh caux zueix nitv meih nyei mienh, maiv maaih haaix laanh mienh hiuv duqv dieh dauh fongc-horqc fai bun nyei, weic maiv oix hnavg Faa[^]li[^]si mienh nor zoux. Zunh doz mienh maiv maaih haaix dauh hiuv duqv jiu-bang mienh fongc-horqc nyei, hiuv duqv yietc norm buoqc zangc fongc-horqc mba'nyiex nyei mv baac maiv hiuv duqv haaix dauh bun fai maiv bun. Weic yie mbuo sienx gorngv bun Tin-Hungh nyei mienh se sueih Tin-Hungh ganh bun zingh nyeic nzuonx. Tin-Hungh ganh hiuv nyei maiv zuqc mienh ceng fai duqv mengh dauh.
 8. Zingx caux zien nyei Giduc mienh maiv zuqc zoux sic bun mienh buac.

B. Tin-Hungh dingc beih zaqc hnyouv njuotv mienh nyei zuiz

1. Weic haaix nyungc aqc duqv benx zingx fai zien nyei Giduc mienh? 1). Hnavg Baulo gorngv yiem Lomaa 7:14-24 (yiem hnyouv maaih doix dekc..loz mienh caux siang mienh. Loz mienh oix zoux ei loz maengc...siang mienh oix zoux ei Ziouv. Oix zoux horpc Ziouv fai horpc mienh? 2). Beih zangc zoux nyei sic caux ga'nyuoz hnyouv oix nyei maiv doix diuc. Nzauh mienh hnavm taux mbuo nyei maengc, ga'nyuoz maiv horpc Tin-Hungh mv baac ga'nyiec zoux sic hnavg jang maiv benx haaix nyungc nor wuov nyungc fiem-fingx.
2. Ging-sou yiem 1 Saa[^]mu[^]en 16:7 "...weic zuqc Ziouv mangc maiv hnavg baamh mienh mangc. Baamh mienh mangc ga'nyiec beih zaangc, mv baac Ziouv mangc gu'nyuoz hnyouv." Yesu ganh gorngv taux ze i nyei jauv, yiem Matv[^]tai 6:16 "*Meih mbuo ze i maiv nyanc haaix nyungc wuov zanc, maiv dungx zoux hmien hmuangx hnavg beih zaqc hnyouv njuotv nyei mienh zoux. Ninh mbuo zoux hmien hmuangx hnavg kouv kouv wuov, oix zuangx mienh zieqv duqv ninh mbuo ze i maiv nyanc haaix nyungc. Yie mbuox zien meih mbuo, ninh mbuo nyei zingh nyeic ninh mbuo duqv zipv liuz aqv.*" Gorngv taux ze i se longx haic mv baac maiv dungx longc naaiv nyungc qiangx zoux beih zangc hnyouv njuotv fai zoux jaav. Horpc zuqc ze i jienv nyei ziangh hoc ngorc taux Tin-Hungh, maiv zeiz zoux sic bun mienh hiuv duqv mbuo ze i jienv ngorc ga'naaiv bun mienh buac gorngv mbuo ze i.
3. Yesu dingc beih zaqc hnyouv njuotv mienh nyei zuiz (Matv[^]tai 23:13-39). Yesu gorngv siec nzunc taux beih zaqc nyei mienh zuqc kouv aqv.
4. Yesu gorngv nyei bun mbuo maengc buac i nyungc dongh ninh dorh daaih gorngv taux beih zaqc hnyouv njuotv nyei. **Da'nyietv**, Ninh gorngv taux ga'nyuoz caux ga'nyiec. Yesu gorngv, "*Meih mbuo nzaaux meih mbuo nyei*

nzormc yienv, kungx nzaaux ga'nyiec nzengc hhangv. Mv baac gu'nyuoz zaangh buangv nzengc meih mbuo caangv daaih mauv daaih nyei ga'naaiv" (Matv[^]tai 23:25). *"Meih mbuo se hhangv nzaatv jienv hui-baeqc nyei janx-daic zouv nor. Buatc ga'nyiec nzueic nyei, mv baac gu'nyuoz maaih janx-daic nyei mbungv caux nyungc-nyungc laih hlopv nyei ga'naaiv buangv nzengc"* (Matv[^]tai 23:27). **Yesu gorngv nyei se gu'nyuoz meih mbuo se hhangv naaiv ga'nyiec se hhangv wuov ... mienh mangc buatec nyei caux Tin-Hungh mangc buatec nyei.**

Da'nyeic, gorngv taux maiv hiuv duqv zien leiz hhangv m'zing maengh nyei mienh mangc maiv buatec nor. M'zingh maengh nyei mienh se mangc maiv buatec. Yesu gorngv, *"m'zing maengh nyei mienh aah ..."* (Matv[^]tai 23: 16-17, 19, 24, 26). Mangc maiv buatec nyei mienh maiv hiuv duqv haaix nyungc ninh mbuo qiex fai maiv qiex zuqc. M'zing maengh taux lings wuonh nyei mienh maiv haih dorh ganh qiex zuqc Tin-Hungh, Tin-Hungh nyei waac, sienx Tin-Hungh nyei mienh tengx.

5. Ziagh i nyungc maengc nyei mienh nyei hoic se camv...mbuo haih nduov mienh caux ganh (se gorngv nduov ganh lauh nor, ganh sienx dorngc nyei sic) mv baac maiv haih nduov Tin-Hungh.

C. Hhangv haaix nor benx zingx fai zien nyei mienh

1. Mbuo oix zuqc maaih hnyouv oix benx zingx caux zien nyei Giduc mienh. Maiv dungx ginv ziagh weic mienh, weic mienh oix nyei, a'hneiv nyei, fai ceng nyei.
2. Maiv dungx lorz la'fapv yiem mienh nyei maengc se gorngv ganh maaih ndiangx yiem maengc. *"Meih weic haaix diuc buatec meih nyei gorx-youz nyei m'zing maaih la'fapv yaac maiv hnamv taux meih ganh nyei m'zing maaih nqanx ndiangx? 4 Ganh nyei m'zing maaih nqanx ndiangx, meih fungc haih mbuox meih nyei gorx-youz, 'Gorx aac, yie tengx gorx baan cuotv m'zing nyei la'fapv oc'"* (Matv[^]tai 7:3-4).
3. Zaah ganh nyei maengc, benx zingx nyei mienh jiex gorn zieqv duqv ganh qiex nyei. Hhangv Yaagorpc gorngv nor mangc liuz gingx oix zuqc zorc ganh; hhangv Ndaa[^]witv hungh diex heuc Ziouv zaah ninh nyei hnyouv (Singx Nzung 139:23).
4. Oix zuqc caux zoux zingx caux ziagh zien nyei Giduc mienh. Simv nqoi jaav nyei, beih zaqc hnyouv njuotv nyei. Caux zingx nyei mienh meih ziouc haih zuotc zingx nyei sic zoux.
5. Cuotv liuz meih maaih hnyouv zuangv Ziouv, meih maiv haih zoux zingx.

Ginv ei Ging-sou nyei leiz:

1. Ginv benx zingx fai zien nyei mienh se benx yietc nyungc ginv dongh yienc mbuo nyei maengc yietc liuz.

2. Tov Tin-Hungh guangc mbuo nyei zuiz dongh mbuo piatv maiv zoux zingx maiv ziangh zien. Dongh mbuo nduov mbuo ganh, dongh mbuo ginv zoux bun mienh a'hneiv mv dorngc Ziouv nyei.
3. Naaic gaax ganh, "yie maaih haaix norm dorngx dongh yie zoux nyei maiv zingx, maiv zien Giduc mienh?"
4. Yie hngangv haaix nor ginv, yienc, bun yie gauh zuangv Ziouv, gauh benx zingx fai zien nyei Giduc mienh?
5. Lorz zingx caux zien nyei mienh caux. Hngangv janx nyei waac gorngv nor, "norqc ndatv fih hngangv ndaaix yietc jauv".
6. Lorz zingx nyei doic daaih gorngv zingx nyei sic bun mbuo, gorngv dongh meih qiex zuqc nyei sic mbuox, mbuox ninh caux meih daux gaux, bun ninh maaih hatc maaz mbuox meih dongh ninh buatc meih zoux nyei maiv zingx fai maiv zien nyei sic.

Da'juov Nyungc Ginv: Ginv Fu-sux Ziouv caux Mienh

Ging-sou yiem: Matv[^]tai 20:20-28

Gorngv jiex gorn nyei waac: Oix zuqc ginv fu-sux Tin-Hungh. Hnamv taux meih nyei maengc, se gorngv qiex dangx fai maengc jomc yiem naaiv norm seix zangc meih ziangh seix nyei ziangh hoc zoux cuotv haaix nyungc dongh maaih yietc liuz nyei jaax-zinh? Se gorngv meih hnamv nzuonx meih nyei mienh seix, meih oix mienh jangx haaix nyungc taux meih nyei maengc? Sienx Yesu Giduc nyei mienh, Tin-Hungh zeix meih mbuo daaih maaih Ninh nyei domh mouz deic. Hngangv Singx Nzung 139 gorngv nor, meih yiem maa nyei ga'sie hngangv Tin-Hungh zungv hiuv meih. Hngangv Ye[^]le[^]mi 1:5 gorngv nor, mbuo maiv gaengh cuotv seix Tin-Hungh zungv liuc leiz ziangx gong bun mbuo zoux.

Tin-Hungh paaiv nyei domh gong fai jienv nyei gong bun mbuo zoux caux baamh mienh mangc nyei se maiv fih hngangv. Mbuo oix juangc jienv mangc taux mbuo oix haaix nyungc jienv yiem mbuo nyei maengc, oix mienh jangx taux fai, oix mienh hiuv duqv haaix nyungc yiem mbuo nyei maengc. Ging-sou mengh nyei gorngv, se gorngv haaix dauh oix zoux hlo oix zuqc zoux bou, fu-sux mienh weic Tin-Hungh. Se gorngv meih oix ziangh buangv, oix zuqc ziangh ei jienv Ziouv zeix meih daaih nyei maengc; longc ganh nyei maengc zunv hnyouv fu-sux Tin-Hungh (Gorngv seix zangc sou 9:10). Mbuo ziouc buatc maengc za'gengh maaih mouz deic, maaih orn-lorqc, baengh orn, yaac buatc maaih eix-leiz.

Hnoi-hnoi, muonz-muonz mbuo ginv fu-sux Tin-Hungh fai mienh ziouc haih bun mbuo ganh nyei maengc maaih jaax-zinh yaac maaih eix-leiz. Weic Ziouv zeix mbuo daaih mouz deic se hngangv naaiv. Tin-Hungh zeix mbuo daaih maaih longx nyei gong, longx nyei mouz deic bun mbuo, mv baac Tin-Hungh funx longx se maiv zeix hngangv pou-tong baamh mienh hnamv nyei. Tin-Hungh zeix mbuo daaih bun mbuo haih ginv fu-sux Ninh, fu-sux Ninh zeix daaih nyei

mienh. Naaiv se longx jiex hlo jiex nyei qiangx bun baamh mienh. Fai meih haih ginv zoux ei ganh nyei hnyouv hanc zoux, zoux weic ganh, ziangh weic ganh, zoux weic ganh duqv longx.

Gorngv mengh caux muonc Ging-sou:

A. Fu-sux Tin-Hungh fai mienh maiv zuqc duqv mengh nyei gong

1. Baamh gen gorngv *se gorngv meih duqv maaih mengh nyei gong, gunv mienh nyei gong nor cingx benx jienv nyei gong (zoux hungh zoux zungx, zoux sorngx qaqv nyei mienh, zoux fangx naangh nyei mienh) fai maaih mengh nyei gong.*
2. Jienv se maiv zeix yiem gong-mengh. Se gorngv meih ndortv gong-mengh, ndortv meih haih zoux nyei meih nyei maengc corc maaih jaax-zinh nyei fai?
3. Mbuo nyei maengc se maiv zeix gong fai gong-mengh.
4. Yiem fatv Yesu nyei mienh gan longx Yesu nyei mienh mv baac maaih deix oix longc mengh nyei gong. [*Wuov zanc Se^mbe^ndi nyei auv dorn ninh nyei i dauh dorn daaih Yesu wuov, gueic njiec baaix, tov yietc nyungc. 21 Yesu naaic, "Meih oix longc haaix nyungc?" Ninh dau, "Ziouv aac, tov meih laengz meih duqv zoux hungh nyei ziangh hoc oix zuqc bun yie nyei i dauh dorn, yietc dauh zueiz meih nyei mbiaauc maengx, yietc dauh zueiz zaaix maengx" (Matv^tai 20:20).*] Naaiv laanh m'sieqv dorn tengx Yesu, yiem Yesu ga'hlen dongh sai-gorx mbuo biaux nzengc yiem ziepc nzangc jaax, caux jienv m'sieqv dorn guanh mingh Yesu nyei zouv wuov (Maako 3:17; Lugaa 9:51).
5. Naaiv laanh m'sieqv dorn oix nyei se longx nyei, mv baac lorz dorngc jauv. Yesu gorngv mbuo ninh meih maiv hiuv meih tov nyei (Matv^tai 20:22). Dongh Yesu zuqc zorqv zuqc diev nyei ziangh hoc yietc zungv gong-zoh biaux nzengc cuotv liuz Yo^han (Matv^tai 26:56).
6. Mbuo buatac nqa'haav ninh nyei yietc zungv sai-gorx mbuo zuqc daic weic Ziouv (benx "martyr") cuotv liuz Yo^han. Yaagorpc zuqc daic (Gong-zoh 12). Ninh mbuo nyei maa oix ninh nyei dorn duqv mengh nyei gong, zueiz mbiaauc caux zaaix maengx wuov norm ziangh hoc se jienv haic. Benx jienv nyei mienh yiem cing-jaa yinc, benx jienv nyei guanh.
7. Maa qaqv maaih hatc maaz yiem seix zangc se maiv zeix fu-sux. Nyungc zeiv: gong ziouv maaih qaqv maaih hatc maaz gunv gong mienh mv baac maiv zeix fu-sux. Fu-sux oix zuqc ginv weic maiv hnamv taux ganh nyei nza'hmien buonc haih duqv nyei. Wuov deix ziepc dauh sai-gorx haiz Yaagorpc caux Yo^han nyei maa hnavg naaiv nor naaic zoux bun ninh mbuo qiex jiex haic (Matv^tai 20:24). Yesu heuc ninh mbuo yietc zungv daaih nzoih yaac gorngv, "*Meih mbuo hiuv duqv Janx maaih domh jien gunv ninh mbuo. Zoux hlo nyei wuov deix maaih lingc hatc ninh mbuo. Mv baac meih mbuo maiv horpc zuqc hnavg naaic. Haaix dauh oix duqv zoux hlo, wuov dauh oix zuqc zoux meih mbuo nyei bou*" (Matv^tai 20:25-26).

8. Fu-sux Tin-Hungh caux mienh maiv zuqc zanc-zanc mbuox mienh taux meih nyei gong mengh fai mengh hoc. Se gorngv zanc-zanc oix zuqc weic gong mengh zoux se maiv zeiz zoux Ziouv nyei bou. Se gorngv meih maaih gong mengh maiv dungx dorh daaih longc weic meih ganh duqv longx. Nyungc zeiv yiem ndie sai nyei biau v yiem mbuo nyei laangz, zunh doz mienh duqv dingh cie fatv nyei weic mingh mangc butv baengc mienh. Se gorngv meih maiv mingh mangc butv baengc mienh, meih ganh fai hmuangv doic butv baengc maiv dungx dingh. Meih haih dingh duqv nyei mv baac maiv dungx longc gong mengh "zunh doz mienh" nyei mengh hoc dingh. Fai weic meih zoux zunh doz mienh oix zuqc duqv naaiv duqv wuov fai oix mienh fu-sux naaiv fu-sux wuov, zoux naaiv zoux wuov weic meih. Fai meih oix mienh ceng meih zoux nyei, oix mienh a'hneiv fai zieqv duqv meih zoux nyei. Se gorngv mienh zieqv duqv fai a'heiv meih zoux nyei se maiv dorngc, dorngc nyei se meih zoux weic bun mienh zieqv duqv. Jangx jienv Baulo gorngv mbuox Ko^lin^to mienh nyei waac, "*Haaix dauh bun meih zoux gauh hlo ganh dauh? Meih maaih haaix nyungc maiv zeiz meih zipv daaih? Wuov nyungc, se gorngv meih zipv daaih, meih weic haaix diuc bungx waac-maux hhangv maiv zeiz zipv daaih nor?*" (1 Ko^lin^to 4:7). Maaih mienh zoux hlo deix fai maaih gong maaih mengh hoc deix, mienh maiv zeix cai ninh, kungx naaic hhangv yaac naaic maiv duqv, *weic zuqc ninh mbuo zoux "hlo"*. Se gorngv meih naaic weic oix hiuv, benx ziepc zuoqv nyei naaic se maiv zeix naaic weic zoux nduov mienh ndorpc fai piatv.

B. Fu-sux Tin-Hungh fai mienh nyei fuqv

1. Mbuo buatc maaih ziex nyungc zuqc zoux yiem naaiv lung h ndiev, yiem mbuo nyei hmuangv doic, yiem mbuo nyei maengc. Yie ganh nduqc dauh fungc haih zoux duqv hingh fai zoux maaih laamh longc? Maaih mienh buatc maaih camv zuqc zoux yiem maengc, yiem hmuangv doic, yiem jiu-bang, yiem deic bung, jiex gorn nzauh nyiemv, maaih mienh jiex gorn ngopv, maaih mienh jiex gorn guaix, maaih mienh namx hnyouv gorngv zoux longx zoux maiv cuotv haaix nyungc, ziouc maiv gunv mi'aqv. Naaiv deix yietv zungv dau zoux nyei se dorngc.
2. Mbuo zieqv duqv yaac hiuv duqv maaih ziex nyungc dongh mbuo zoux nyei maiv duqv mienh laengz zingh, mv baac maiv benx haaix nyungc weic mbuo zoux weic Tin-Hungh. Ninh hiuv duqv mbuo zoux nyei nyungc-nyungc.
3. Meih ganh zuqc ginv fu-sux Tin-Hungh, ginv fu-sux mienh, jiex gorn dongh yiem fatv jiex meih nyei mienh se meih ganh nyei hmuangv doic, jiu-bang doic, langz zong doic, maaih qiangx fu-sux lung h ndiev mienh.
4. Ginv fu-sux haih yienc mienh nyei maengc yietc liuz. Meih ginv gorngv, yie nyei maengc se maiv zeiz ziangh weic yie ganh, yie ginv fu-sux. Maiv gunv yie maiv haih yienc lung h ndiev yie oix jiex gorn yienc yie fu-sux nyei weic yie hiuv duqv Tin-Hungh oix yie fu-sux Ninh. Hhangv Matv^tai 2026 gorngv, "*Haaix dauh oix duqv zoux hlo, wuov dauh oix zuqc zoux meih mbuo nyei bou.*"

5. Mbuo nyei maengc maiv maaih hnoi buangv, cuotv liuz mbuo hoqc yaac ginv fu-sux Tin-Hungh caux Tin-Hungh nyei mienh. Yiem jiu-bang mbuo mouz laanh maaih Tin-Hungh bun nyei zingh nyeic mbuo - oix zuqc longc laanh fu-sux laanh. Baulo mbuox Gaa^laa^tie jiu-bang, “*Zuangx gorx-youz aac, Tin-Hungh heuc meih mbuo daaih zoux bungx nqoi nyei mienh. Meih mbuo duqv bungx nqoi mv baac maiv dungx weic naaiv sueih ganh ei ganh nyei hnyouv hanc zoux. Daaux nzuonx oix zuqc laanh hnamv laanh ziouc laanh fu-sux laanh*” (Gaa^laa^tie 5:13).
6. **Gorngv Seix Zangc 9:10 gorngv**, “*Da'faanh meih nyei buoz lorz buatec haaix nyungc zoux, gunv longc qaqv zoux, weic zuqc yiem yiemh gen, dongh meih oix zuqc mingh yiem nyei dorngx, maiv maaih gong zoux fai daav za'eix nyei javv fai wuonh zaang fai cong-mengh.*” Sienx Giduc nyei maengc mv baac hnavg baamh mienh nyei maengc nor. Jiex gorn sienx Yesu se hnavg fu'jueiv cuotv seix nyei ziangh hoc...fu'jueiv hlo jienv mingh zuqc zoux gong, sienx lauh jienv mingh yaac zuqc fu-sux. Mbuo nyei lingh wuonh hlo, caux fu-sux nyei javv se doix dangc nyei. Sin zangc wangc siangx caux maaih hnyouv fu-sux Tin-Hungh fai mienh yaac maaih jiu-tong nyei. Hnavg butv baengc mienh kungx oix mienh fu-sux ninh mbuo, lingh wuonh maiv wangc siangx nyei mienh yaac fih hnavg nyei kungx oix jiu-bang mienh fu-sux ninh mbuo.
7. **Naaic gaax ganh, yie fu-sux Tin-Hungh, fu-sux mienh nyei fai? Fai yie oix mienh fu-sux yie, oix Tin-Hungh tengx naaiv tengx wuov, zoux naaiv zoux wuov bun yie?**

C. Fu-sux Tin-Hungh fai mienh se mouz laanh ganh zuqc ginv zoux nyei gong

1. Haaix dauh oix zoux hlo oix zuqc zoux bou (Matv^to 20:28 “*Yie daaih fu-sux mienh yaac siev yie nyei maengc weic zuoqc mienh camv nzuonx.*”; Maako 10:15). Benx Yesu nyei mienh oix zuqc zuotc Yesu nyei nyungc zoux (1 Yo^han 2:6 “*Haaix dauh gorngv ninh caux Tin-Hungh juangc maengc ziangh, Yesu hnavg haaix nor zoux, wuov dauh yaac oix zuqc hnavg wuov nor zoux*”). Mbuo doqc Fi^lipv^poi 2:3-7 mbuo buatec cing nyei Yesu doz mienh nyiemc ganh zoux faix benx dauh baamh mienh daaih daic weic mbuo nyei zuiz, mbuo horpc zuqc maaih hnyouv hnavg Ninh nor.
2. Baulo mbuox Gaa^laa^tie jiu-bang laanh oix zuqc fu-sux laanh (Gaa^laa^tie 5:13). Fu-sux nyei javv se maiv zuqc sauv, maiv zuqc funx. Zien zoux hlo nyei se zoux bou nyei mienh, wuov nyungc oix zoux hlo oix zuqc zoux bou. Meih mbuo maiv haih fu-sux buonc-buonc mienh, mv baac jiex gorn fu-sux ganh nyei hmuangv doic. Meih mbuo maiv haih fu-sux norm-norm jiu-bang, mv baac jiex gorn fu-sux yiem meih mbuo mingh buoqc zangc wuov norm jiu-bang. *Maiv dungx hnamv gorngv, “naaiv norm jiu-bang hnavg haaix nor haih tengx duqv yie?”* Oix zuqc hnamv gorngv yiem hnavg haaix nor haih fu-sux yiem naaiv norm jiu-bang. Se gorngv meih kungx mingh “zoux leiz baaix” hnavg oix zuqc

jiex gorn buoqc zangc fu-sux Tin-Hungh caux Tin-Hungh nyei mienh. Tin-Hungh maiv oix meih mingh zoux "leiz", ninh oix meih ginv buoqc zangc Ninh, fu-sux Ninh weic fu-sux Ninh zuoqc nzuonx daaih nyei mienh.

3. Se gorngv mbuo ginv sienx Yesu nyei mienh, borqv jienv sienx liuz Yesu oix zuqc ginv fu-sux Ninh. Se gorngv Yesu ginv fu-sux baamh mienh, mbuo hnavg haaix nor ginv gauh zoqc ninh.
4. Ko^{li}si 3:23 gorngv, "*Maiv gunv zoux haaix nyungc, oix zuqc buangv hnyouv zoux hnavg zoux weic Tin-Hungh, maiv zeiz zoux weic mienh.*" Maiv gunv mbuo zoux bun mienh mv baac mbuo weic Tin-Hungh zoux. Meih fu-sux meih nyei auv fai nqox, fu'jueiv fai gong ziouv, jiu-bang fai mienh meih mbuo zoux weic Tin-Hungh.
5. Ginv fu-sux Tin-Hungh tengx mbuo duqv zoux benx ziepc zuoqv nyei mienh weic mbuo longc mbuo nyei ziangh maengc, ziangh hoc, zingh ginx, Zingh nyeic, caux zinh zoih fu-sux Tin-Hungh. Se gorngv mbuo jangx jienv gorngv nyungc-nyungc mbuo zoux nyei se weic Tin-Hungh, maaih ziangh hoc kouv, maaih ziangh hoc zuqc ging-borqc, maaih ziangh hoc namx hnyouv mv baac maiv tuix bouc.

Ginv ei Ging-sou nyei leiz:

1. Ginv sienx Yesu liuz, ginv fu-sux ninh se jienv haic. Meih zieqv duqv meih se qiex Ziouv nyei zaeqv, meih ginv zoux bungx nqoi nyei bou fu-sux zuoqc meih yiem zuiz cuotv daaih wuov dauh Ziouv.
2. Sienx Yesu mienh nyei zien maengc se *maiv zeiz* sienx liuz Yesu ziouc oix ninh hnavg haaix nor tengx duqv haaix nyungc yie, mv baac yie hnavg haaix nor fu-sux Ninh.
3. Naaic gaax ganh yie hnavg haaix nor fu-sux Tin-Hungh? Meih maaih nyei ziangh hoc zengc njiec yiem naaiv baamh gen, meih hnavg haaix nor longc weic Ziouv dongh bun maengc meih ziangh, bun qiex meih tauv, dongh zuoqc meih, bun meih caux Zangc Diex duqv horpc hnyouv wuov dauh Ziouv?
4. Se gorngv meih fu-sux Tin-Hungh caux Tin-Hungh nyei mienh, meih buac meih nyei maengc hnavg haaix nor? Meih buangv hnyouv fu-sux nyei fai? Meih hnavg haaix nor longc Tin-Hungh bun meih nyei zingh nyeic fu-sux Ninh?
5. Meih ganh oix zuqc ginv fu-sux, yaac tov Tin-Hungh koi gaengh bun meih maaih qiangx haih fu-sux Ninh. Duqv zoux Ziouv nyei **bou** se benx longx, jienv jiex nyei zingh nyeic yiem yie nyei maengc, yiem hmuangv doic, caux yiem jiu-bang.

Da'ziepc nyungc ginv: Ginv Dorng Zuangx Nyiemc Yesu

Ging-sou yiem: Matv[^]tai 5:13-16

Gorngv jiex gorn nyei waac:

Mbuo duqv juangc jienv hoqc taux ziepc nyungc jienv jiex nyei ginv yiem mbuo nyei maengc. **Da'yietv nyungc ginv:** Ginv Tin-Hungh nyei hnamv, **Da'nyeic nyungc ginv:** Ginv zipv Tin-Hungh guangc zuiz, **Da'faam nyungc ginv:** Ginv bun Yesu zoux Ziouv, **Da'feix nyungc ginv:** Ginv ei Ziouv nyei waac, Ging-sou, **Da'hmz nyungc ginv:** Ginv guangc mienh nyei zuiz, **Da'luoqc nyungc ginv:** Ginv bungx hnyouv Ziouv, **Da'cietv nyungc ginv:** Ginv hnamv ganh nyei hmuangv doic, **Da'bietv nyungc ginv:** Ginv benx zingx nyei mienh, **Da'juov nyungc ginv:** Ginv fu-sux Ziouv caux mienh, **Da'ziepc nyungc ginv:** Ginv Dorng Zuangx Nyiemc Yesu

Se gorngv meih ginv da'yietv mingh taux da'juov nyungc ginv mv baac meih maiv ginv da'ziepc nyungc se hnavg mienh mbenc ziangx lai-hnaangx mv baac maiv nyanc. Zouv lai zouv hnaangx mbenc ziangx mv baac maiv nyanc se maiv tengx duqv. Da'ziepc nyungc ginv se jienv haic weic zuqc maiv daan zipv, ginv sienx, ginv zipv Tin-Hungh, mv baac souv wuonv yiem Tin-Hungh yaac ginv souv wuonv weic Tin-Hungh. Yiem Matv[^]tai 10:33 mengh nyei gorngv, "*Mv baac haaix dauh dorng zuangx maiv nyiemc yie, yie yiem yie nyei tin-dorng Diex nyei nza'hmien yaac maiv nyiemc wuov dauh.*" Dorng zuangx maiv nyiemc Yesu se hnavg haaix nor? Se gorngv maaih deix sic, maaih nyauv, maaih ging-borqc, maaih kouv naanc hoic meih namx hnyouv, meih tuix bouc, meih leih go Ziouv, meih cai Ziouv nyei hnamv, Ziouv nyei qaqv - naaiv deix se nyungc zeiv gorngv taux maiv nyiemc Yesu. Se gorngv meih maiv sienx, meih maiv dingc hnyouv, faaux-faux njiec-njiec yiem sienx fim, fai maiv souv wuonv yiem Ziouv nyei waac. **Maiv zeiz** gorngv meih zoux yietc nzunc fai yietc nyungc ziouc zoux dorng zuangx maiv nyiemc Yesu nyei mienh. Mv baac ndaam mengh sienx Yesu nyei mv baac dorng zuangx zoux nyei gorngv nyei zanc-zanc maiv doix-diuc Ziouv nyei waac.

Yesu gorngv nyei eix-leiz se, se gorngv meih nyei maengc zanc-zanc buatc guenx zanc-zanc dorng zuangx gorngv fai zoux nyei sic maiv nyiemc maiv zieqv duqv Yesu. Maaih hnoi meih souv jienv Zangc Diex nyei nza'hmien yiem Tin-dorng Yesu yaac maiv nyiemc meih. Se jienv jiex nyei nyungc ginv. Meih haih gorngv, "Ziouv aac, Ziouv aac"... mv baac Yesu oix gorngv, "Leih go deix yie, yie maiv hiuv meih" (Matv[^]tai 7:23). Weic naaiv mbuo buatc Bide dongh ninh maiv nyiemc Yesu nyei ziangh hoc, ninh ndongc haaix hnyouv mun nyiemc zuiz (Matv[^]tai 26:69-74) weic ninh jangx zuqc Yesu gorngv nyei waac mbuox ninh.

Maaih camv nzunc dongh mbuo hiuv duqv mbuo horpc zuqc dorng zuangx zoux zingh ginx, zunh kuv fienx, dorng zuangx souv wuonv weic Ziouv nyei waac mv baac weic mbuo gamh nziex , weic mbuo nzaux mienh zoux doqc mbuo ziouc maiv nyiemc Yesu.

Gorngv mengh caux muonc Ging-sou:

A. Ginv dornng zuangx nyiemc Yesu caux souv wuonv yiem Ninh nyei waac

1. Yiem naaiv mingh yietc baeqv hnyangx jiex liuz haaix nyungc longc jienv bun meih. Nduqc nyungc jienv bun meih se meih hhangv haaix nor ziepc zuoqv nyei bun Ziouv Yesu, hhangv haaix nor zoux zorng-zengx weic Ninh, meih hhangv haaix nor souv wuonv ei jienv Ninh nyei waac.
2. Meih duqv dingc hnyouv gorngv, Yie maiv nyaev yie nyei Ziouv, maiv nyaev kuv fiengx dongh njoux yie nyei Ziouv. Maiv gunv haaix nyungc cuotv daaih yiem yie nyei maengc, yiem naaiv lungx ndiev yie zunv dingc hnyouv nyiemc ganh Ninh.
3. Mbuo hhangv haaix nor haih simv jienv maiv bun mbuo maaih qiangx fai ziangh hoc maiv nyiemc Yesu? *Da'yietv* oix zuqc ginv dornng zuangx nyiemc Yesu, ginv souv wuonv yiem Ging-sou. Siengx jaav nyei mienh zanc-zanc maaih, mv baac meih oix zuqc ginv ei jienv Ging-sou nyei waac. Ging-sou nyei waac se gaux bun meih. *Da'nyeic*, meih oix zuqc ziepc zuoqv nyei gan longx Ziouv, maiv pienx yaac maiv mingh pien Ninh nyei waac, douc Ziouv nyei waac, zunh Ziouv nyei waac, buih Ziouv nyei waac. *Da'faam*, oix zuqc bungx hnyouv Ziouv, maaih hnyouv dingc, maiv dingh liouh nyei daux gaux. *Da'feix*, maiv dungx naamx hnyouv zien leiz, maiv dungx cai Ziouv nyei waac, maiv dungx siengx fim mau, maiv dungx tuix bouc, maiv dungx caux dornngc mienh, maiv dungx caux siengx cou, siengx pien, siengx zorpc nyei mienh. **Se gorngv meih maiv souv wuonv yiem zien leiz, meih ziouc zuqc nyungc-nyungc nduov meih siengx pien.**
4. Zanc-zanc meih duqv qiangx maaih qiangx oix zuqc dornng zuangx nyiemc Yesu, gorngv mengh Ziouv nyei en, souv wuonv yiem Ziouv nyei waac, weic mbuo nyei maengc duqv ninh yienc yietc liuz. Weic mbuo zieqv duqv Ninh nyei en-zingh, mbuo fungc haih seqv nyei maiv gorngv taux Ninh nyei fuqv. Se gorngv mbuo ziepc zuoqv nyei zoux zorng-zengx, Ninh haih longc mbuo zoux nyei gauh hlo dongh mbuo haih hnamv duqv zaic nyei.

B. Ginv Dornng zuangx nyiemc Yesu Yienc maengc, yienc lungx ndiev

1. Maaih mienh dornng zuangx nyiemc Yesu yienc lungx ndiev yienc jiex daaih nyei sic. Mbuo buatac zinh ndangc yiem 1521 maaih mienh heuc Martin Luther dornng zuangx nyiemc Yesu, souv wuonv yiem Ging-sou yienc zinh ndangc siengx Tin-Hungh eix-leiz. Weic zinh ndangc siengx nyei gorn zoux waaic, siengx pien Ging-sou, maiv bun pou-tong mienh doqc Ging-sou, ziouc haih gunv mienh, njaaux dornngc. Martin Luther souv wuonv, dornng zuangx nyiemc Yesu. Yiem naaic daaih mienh jiex gorn siengx Ging-sou se Ziouv nyei waac, Siengx Tin-Hungh mienh ziouc jiex gorn daux nqang daaih siengx gorngv mbuo duqv njoux se weic siengx Yesu maiv zeiz weic mbuo zoux nyei sic bietv. Ih jaax hnoi mbuo yaac hhangv naaiv siengx taux Ging-sou

2. Yiem 1775, maaih laanh mienh heuc Patrick Henry, heuc "Meiv Guoqv deic bung" mienh oix zuqc souv wuonv, weic maiv oix Ying Guoqv gunv. Ninh gorngv mbuox zuangx mienh "bun yie duqv bungz nqoi fai bun yie zuqc daic". Ninh gorngv nyei eix-leiz se "yie laengz daic weic yie sienx nyei". Weic ninh souv wuonv, mienh ziouc souv wuonv ninh mbuo sienx nyei, ninh mbuo nyei win-wangv tuix bouc nzuonx mi' aqv.
3. Zinh ndangc yiem 1789, maaih laanh sienx Giduc mienh yiem Ying Guoqv heuc William Wilberforce, zoux yietc dauh jien nyei mienh. Yiem wuov gitv lungh ndiev nyei ziangh hoc, ninh mbuo longc mienh zoux bou yaac maaic mienh zoux bou. Ninh gorngv mbuo zuangx zoux orqv nyei jien, Tin-Hungh paaiv yie daaih souv jienv meih mbuo nyei nza'hmien gorngv taux i nyungc dongh dorngc Tin-Hungh nyei: da'yietv, maiz maaic mienh zoux bou nyei zuiz, da'nyeic, zoux orqv zoux waaic sic nyei zuiz. Weic ninh souv wuonv dorng zuangx nyiemc Ziouv, zoux bou mienh duqv bungx nqoi.
4. Meih caux yie oix zuqc ginv zoux nzauv hnavg Matv^tai 5:13 gorngv nor, "*Meih mbuo se hnavg nzauv weic yiem baamh mienh mbu'ndongx. Mv baac se gorngv nzauv nyei mueix tuix zaamv mingh, hnavg haaix nor noic duqv aengx nzaaih daaih? Naaiv deix nzauv maiv lamh longc aqv. Oix zuqc dox guangc bun mienh caaiv hnavg.*" Weic mbuo ginv zoux nzauv fai dang se haih yienc lungh ndiev haih tengx duqv mienh, ziex doic mienh. Nzauv se lapc ga'naaiv bun maiv waaic, bun ga'naaiv maaih mueix, bun ga'naaiv cing-nzengc. Se gorngv nzauv maaih mueix za'gengh haih tengx yaac yienc ziex nyungc. Se gorngv meih mbuo ziangh ei jienv Ziouv zeix mbuo daaih nyei mouz deic, mienh ziouc haih seix duqv cuotv mueix. Weic naaiv mbuo **maiv haih** maiv guen maiv goux taux mienh ndortv deic nyuoqc nyei sic. Mbuo oix zuqc zoux dongh Ziouv paaiv mbuo zoux nyei, zoux nzauv bun orv maiv huv. Maiv dungx yiem nzauv-ndongh, oix zuqc dox cuotv daaih bun mienh haih seix duqv mueix. Oix zuqc dorng zuangx nyiemc Yesu.
5. Meih oix zuqc ginv zoux dang hnavg Matv^tai 5:14-16 "*Meih mbuo se hnavg njang weic ziux lungh ndiev mienh. Yietc norm zingh yiem wuov mbong-ningv maiv haih bingx maiv mbueiz mienh. 15 Yaac maiv maaih mienh diemv zieqc dang daaih, zorqv tongv nqopv jienv. Dang m'daaiah don dang nyei baaiah ziux njang yietc biau v mienh. Meih mbuo yaac oix zuqc hnavg dang nor, ziux lungh ndiev mienh. Hnavg naaic, ninh mbuo duqv buatc meih mbuo zoux nyei kuv sic ziouc taaih meih mbuo nyei tin-dorng Diex.*" Dang yaac benx yietc nyungc waac-beiv gorngv taux mbuo oix zuqc dorng zuangx nyiemc Yesu. Dang bun mienh mangc duqv buatc, baamh gen za'gengh hmuangx nyei dorngx, mbuo haih dorh Ziouv nyei njang ziux bun mienh haih mangc duqv buatc *Zien Jauv* - dongh *Yesu* (Yo^han 14:6).

6. Siex Yesu Giduc nyei mienh maaih Tin-Hungh nyei njang, baamh mienh oix hmuangx nyei dorngx (Yo^han 3:19), ninh mbuo maiv bieqc hnyouv taux njang nyei javv. Mbuo dorh Yesu nyei Njang mingh bun ninh mbuo (Yo^han 9:5), mbuo aengv Ziouv nyei njang, mbuo se dang dorn. Se gorngv meih duqv zipv Tin-Hungh nyei njang, maiv dungx bingx ninh nyei njang. Dorng zuangx nyiemc Yesu. *Zuiz yiem maengc zoux bun dang maiv haih njang*, se gorngv maiv dorng zuangx nyiemc Ziouv gomv jienv dang ziouc maiv haih ziux njang. Dang maiv haih ziux njang se gorngv maaih qiangx yaac maiv oix ziux. Se gorngv mbuo maaih ziangh hoc fai qiangx se weic Ziouv bun, oix zuqc lorz qiangx caux longc qiangx gorngv mengh Ziouv nyei en.

C. Ginv maiv dorng zuangx nyiemc Yesu nyei jaax-zinh

1. Hnamv mangc gaax Bide - dongh ninh maiv nyiemc Yesu buo nzunc. Yesu hnavg haaix nor zoux bun ninh? Yesu maiv guangc ninh, weic zuqc Bide hnyouv mun taux ninh zoux nyei. Yesu daic liuz paanh nangh daaih Ninh yiem wuov Gaa^li^li koiv hlen zuov Bide caux sai-gorx mbuo dongh ninh mbuo guangc jienv mingh lorz mbiaux (Yo^han 21). Ziangh muonz lorz yaac lorz maiv duqv yietc dauh. Yesu yiem wuov ndoqc hlen zuov ninh mbuo. Yesu lorz qiang orn Bide nyei hnyouv (Yo^han 21:15-17). Yesu oix Bide hiuv duqv Yesu maiv guangc ninh, oix Bide ziepc zuoqv bun Ninh, oix Bide siev ninh nyei maengc weic Yesu.
2. Mbuo oix zuqc mangc dingc Yesu, maiv dungx mangc mienh. Mienh camv maiv dorng zuangx nyiemc Yesu weic mangc mienh.
3. Hnavg dang hnavg nzauv nor, se gorngv mbuo maiv dorng zuangx nyiemc Yesu, hnavg nzauv maiv maaih mueix, hnavg dang gomv jienv. Mbuo oix zuqc mangc dingc Yesu, mangc Ninh zoux mbuo nyei nyungc-zeiv.
4. Mbuo hnavg haaix nor haih ging jienv hnyouv bun mbuo maiv ngaengc Yesu, piatv maiv nyiemc Yesu? 1 Ko^lin^to 16:13 gorngv, "*Oix zuqc ging jienv hnyouv, yaac siex wuonv. Oix zuqc daamv hlo, yaac henv.*" Da'yietv, mbuo oix zuqc ging jienv hnyouv fai mbungh jienv. Faix fim, maiv dungx bungx lorz, maiv dungx pienx Ziouv nyei waac, mangc jienv, zaah jienv, fai zanc-zanc ei jienv Ziouv. Da'nyeic, oix zuqc siex wuonv fai maaih siex fim yiem Yesu. Dingc hnyouv, liepc hnyouv, maaih camv nyungc haih baeng haih nduov haih bun mbuo ndorpc, mbuo oix ziangh jienv Ziouv, ziangh wuonv Ziouv hnavg ndiangx-nzungh njiec ndo ziouc wuonv maiv zuqc nziaaux buonc king. Da'faam, oix zuqc daamv hlo, maiv dungx liemh zeh zoux naaiv zoux wuov, tiuv hnyouv; oix zuqc hnamv longx liuz ginv dingc, maiv dungx weic gamh nziex ginv dorngc. Da'feix, oix zuqc henv, se maiv dungx mau, maiv dungx sueih apv eix, maiv dungx zoux maiv guen maiv goux nyei mienh. Mbuo zoux nyei jienv, maengc nyei ziangh hoc se nangv, oix zuqc ganv huang jienv zoux Ziouv nyei gong. Souv wuonv

weic Ziouv. Mienh oix zuqc hiuv duqv meih souv nyei dornx fai meih nyei sienx fim.

5. M'jang dorn maiv dornz zuangx nyiemc Yesu nyei mienh maaih eix leiz gornv ninh mbuo maiv jorm hnyouv fu-sux Ziouv nyei mienh; aqc duqv bun ninh mbuo dorh jienv ninh mbuo nyei fu'jueiv mingh fu-sux Tin-Hungh. Dornz jaa se jienv, laengz ngaengc waac se jienv, se gornv maiv maaih damv, maiv maaih hnyouv dornz zuangx nyiemc Yesu nyei mienh aqc duqv bun ninh mbuo dornz zuangx nyiemc auv jueiv, dorh auv jueiv, fu-sux auv jueiv nyei mienh.
6. Ginv maiv dornz zuangx nyiemc Yesu nyei mienh maiv haih bun nzengc Yesu gunv ninh mbuo maengc, ninh mbuo nyei eix. Hnamv taux meih ganh nyei maengc, oix zuqc ginv gornv yie yietc liuz nyiemc Ziouv zoux yie nyei Tin-Hungh. Maiv gunv buangh zuqc haaix nyungc, yie ginv Ziouv, ginv souv wuonv yiem Ninh nyei waac Ging-sou.

Ginv ei Ging-sou nyei leiz:

1. Mbuo duqv juangc jienv hoqc taux ziepc nyungc jienv nyei ginv yiem mbuo nyei maengc. Meih za'gengh ginv hnavg naaiv nyei fai? Meih duqv ginv liuz nor hnavg haaix nor yienc meih nyei maengc?
2. Maaih haaix nyungc dangv jienv fai torngv jienv meih bun meih maiv ginv naaiv deix ziepc nyungc jienv nyei ginv. Tov Tin-Hungh bun mbuo maaih qaqv caux cong-mengh haih ginv Tin-Hungh nyei hnamv, ginv zipv Tin-Hungh guangc zuiz, ginv bun Yesu zoux Ziouv, ginv ei Ziouv nyei waac Ging-sou, ginv guangc mienh nyei zuiz, ginv bungx hnyouv Ziouv, ginv hnamv ganh nyei hmuangv doic, ginv benx zingx nyei mienh, ginv fu-sux Ziouv caux mienh, caux ginv dornz zuangx nyiemc Yesu.
3. Hnavg yiem Nzamc Leiz Latc 30:19 gornv nor, "*Yie ih hnoi heuc lungx caux ndau tengx meih mbuo zoux zornz-zengx, yie bun meih mbuo maaih qangx ginv oix ziangh fai daic, oix duqv fuqv fai zuqc zioux. Ih zanc oix zuqc ginv meih mbuo oix duqv ziangh jienv weic bun meih mbuo nyei zeiv-fun haih duqv ziangh jienv.*" Maengc se "ginv", hnoi-hnoi maaih qiangx ginv, nyungc-nyungc ginv se hnavg javv caax nor, ginv yietc caax javv maaih eix-leiz gornv oix zuqc guangc caax. Mbuo duqv hoqc taux Ziepc Nyungc Longx Nyei Ginv, Jienv nyei Ginv. Maaih camv waaic nyei ginv dongh mbuo oix zuqc simv nqoi, oix zuqc guangc nqoi.

Nzutv Norz Waac:

Yie sienx dingc gorngv se gorngv haaix laanh mienh ginv naaiv deix ziepc nyungc jienv nyei ginv yiem maengc za'gengh ginv ziangh maengc. Meih mbuo ginv nyei za'gengh yienc meih mbuo nyei maengc yietc liuz. Weic naaiv Mose gorngv mbuox I^saa^laa^en oix zuqc ginv maengc. Ninh maiv heuc I^saa^laa^en mienh ginv daic (Nzame Leiz Latc 30:19). Ih hnoi mbuo mouz laanh mienh haih ginv, yietc hnoi mbuo ginv ziex nyungc, nyungc baav se faix fiuv sic nyei ginv, mv baac naaiv deix ziepc nyungc ginv se benx jienv jiex nyei ginv yiem laanh laanh mienh nyei maengc. Se gorngv haaix laanh mienh maiv gaengh duqv ginv naaiv deix jienv nyei ginv, yie oix orn yaac kuinx meih mbuo ginv ziangh maengc. Weic naaiv deix ginv se yienc meih mbuo nyei maengc yietc liuz yietc seix. Tin-Hungh nyei jauv za'gengh longx jiex nyei jauv - ginv yangh Ninh nyei jauv. Maiv maaih jauv, maiv maaih maengc ndongc ginv Tin-Hungh nyei maengc. Nyungc-nyungc meih ginv nyei haih tengx fai hoic yietc seix caux yietc liuz. Tov Tin-Hungh bun mbuo haih ginv horpc Ziouv, haih hnavg Baulo nor gorngv taux mbuo nzuonx seix nyei ziangh hoc: (2 Ti^mo^tai 4:7-8 Yie longc nzengc qaqv mborqv liuz longx nyei jaax aqv. Yie saaix tiux yaac tiux taux dorngx mi'aqv. Yie sienx nyei doz yie goux longx aqv. Ih zanc maaih norm ningv liouh jienv bun yie, dongh bun cing yie zoux duqv horpc wuov nyungc ningv. Taux wuov norm hnoi, baengh fim nyei Siemv Zuiz Jien, se Ziouv, oix zorqv wuov norm ningv zoux zingh nyeic bun yie. Maiv daan bun yie hnavg, yaac bun yietc zungv hnamv ninh ziouc zuov ninh aengx daaih wuov deix mienh.)